

三雲籌俎考

三
雲
籌
俎

考

據明萬曆刻本影印

國立北平圖書館
善本叢書第一集

三雲壽俎考

都御史臨海王士琦輯

安攘考

夷狄之爲

中國患也自周已然方其盛時惟修內治以
威格懷來不聞師武臣力以殄滅戎狄日
鯁鯁也盖必內安而後能外攘內苟安矣
卽不攘庸何傷不然以漢武之掃幕犁庭

而無揀于虛耗以漢季之稱臣內徙而祗
速其敗亡則治亂之未鑒已我

國朝自

高皇帝驅逐胡元

成皇帝掃清磧漠猗歟盛矣迨東勝旣失虜
焰復燃景泰天順而後雲中應朔之區時
時備虜至嘉靖則無歲不蹂踐爲戰場矣
九重之霄旰百辟之箸籌無非是者而卒未

覩策勲告

廟一張撻伐之威然而政肅民安曷嘗少損
順治威嚴之盛也天厭夷惡胡雛內附受
封納貢嘉其恭順而許之互市者四十餘年
外不必攘而燧熄歲登恬熙殷富太平景
象誠古今史冊所未記覩者頗歲久玩愒
虜漸縱恣長慮者時切隱憂焉余新承
簡命敢不兢兢嘗竊籌之人皆謂貢市久則

邊備衰不知邊備修而後貢市久皆謂虜
情叵測或有乘間而跳梁不知虜惧閉關
甚于爭雄而對壘故繼自今不當問夷情
之順逆惟宜得制馭之機宜勿畏驕夷之
強悍而濫給藝惠以淫其慾勿狎久款之
熟夷而頓減峻裁以失其情恭順酬勞雖
大不吝攘竊啓釁雖小必懲以恩威作戈
鋌以口舌當斧鉞久之夷知我神氣日壯

則驕寒自銷作用既殊則心膽自折不動
聲色而安攘在握百年無事矣後之仔肩
者其無豔衛霍之殊勛而坐隳表餌之成
畫哉

安攘

周顯王三十六年趙築長城以防胡

九年趙致胡兵

十五年趙破胡復築長城自代并陰山下至高闕爲塞

四十二年東胡寇代

漢高帝六年韓王信以馬邑叛降匈奴入寇

七年冬七月帝自將討信將軍周勃樊噲夏侯嬰灌嬰

擊信匈奴于武泉敗之

帝追匈奴至平城被圍七日解

十二月匈奴寇代代王喜奔京師

文帝四年匈奴入寇將軍張說出塞擊之

十五年匈奴入寇

後六年匈奴寇雲中車騎將軍令勉來屯飛狐

景帝元年五月匈奴寇代

中三年匈奴入寇中尉魏不害來屯高柳

武帝元光二年將屯將軍王恢等來伏馬邑誘擊匈奴
不克擊而還

六年春騎將軍公孫敖輕車將軍公孫賀出塞擊匈奴
無獲而還

元朔元年秋將軍衛青將軍李息出塞擊匈奴大破之

遂取河南地立朔方郡

三年夏匈奴寇代太守共友死之

四年夏匈奴寇代定襄

五年春車騎將軍衛青出塞擊匈奴破之

秋匈奴寇代都尉朱英死之

六年三月大將軍衛青出塞擊匈奴敗之

四月大將軍青復出塞擊匈奴絕幕而還

元狩二年夏匈奴寇代霍去病擊敗之過焉支至祁連

山而還

三年匈奴寇定襄殺掠千餘人

安撫考 卷之一
四年四月大將軍青驃騎將軍去病擊匈奴大破之青
部前將軍李廣失道自殺青封狼居胥而還

元鼎五年九月匈奴寇五原

六年秋浮苴將軍公孫賀出擊匈奴無獲而還

元封元年帝出長城登單于臺勒兵而還

大初三年四月築塞外城障遊擊將軍韓說來屯秋匈
奴寇五原壞塞外城障

四年正月韓說出塞擊匈奴

天漢元年遣中郎將蘇武使匈奴爲所拘留

征和二年九月匈奴寇五原

三年正月匈奴復寇五原

三月貳師將軍李廣利出擊匈奴別將李陵戰敗降虜
昭帝始元四年秋匈奴寇代

元鳳元年匈奴寇五原

宣帝本始二年秋雲中太守田順及前將軍韓增出塞
擊匈奴敗之

甘露二年十二月匈奴呼韓邪款塞

三年春正月居匈奴于塞下

元帝初元元年輸匈奴粟

永光元年秋歸匈奴于北庭

二年秋七月詔雲中太守韓次君擊羌不果行

王莽篡漢三年莽遣其中郎將蘭苞副校尉戴級出塞
誘降匈奴匈奴來攻

四年莽遣其東域將嚴尤率烏桓兵來屯

光武建武五年十二月盧芳自匈奴入于五原以叛

六年夏六月盧芳寇代太守劉興死之

十年春正月大司馬吳漢擊芳匈奴敗之

冬十月驃騎將軍杜茂來屯飛狐

十三年春正月五原歸正芳奔于匈奴

十四年匈奴寇高柳騎都尉張堪擊走之

十六年冬十月盧芳入于高柳

十八年夏四月芳復奔于匈奴

二十年夏五月匈奴入寇

二十一年冬十月匈奴烏桓入寇伏波將軍馬援來行

障塞

二十四年春正月南匈奴款塞

二十五年冬十月居烏桓于塞內

二十六年居南匈奴于雲中

二十七年冬徙南匈奴于西河美稷

明帝永平五年冬十二月北匈奴寇雲中南匈奴擊却

之

十六年春二月度遼將軍吳棠及太僕祭彤騎都尉來
苗烏桓校尉文穆出塞擊北匈奴無獲而還

北匈奴寇雲中太守廉范擊走之

建初元年耿秉爲度遼將軍

章帝建初八年北匈奴款塞

章和元年秋八月北匈奴款塞

和帝永元元年夏六月車騎將軍竇憲出塞擊北匈奴
大破之登燕然山刻石勒功而還

二年北匈奴款塞來朝竇憲遣使迎之復遣兵襲擊破

之

四年立北匈奴於除鞬爲單于

五年南匈奴左賢王師子來居五原界

六年春正月度遼將軍朱徽殺南匈奴單于安國立師

子于五原

安帝永初二年夏六月烏桓寇代

秋九月南匈奴反及烏桓鮮卑寇五原

四年春正月梁瑾爲度遼將軍討南匈奴降之

元初五年秋八月鮮卑寇代

六年秋七月鮮卑寇馬城度遼將軍鄧遵擊破之

安持卷之一
五
建光元年夏五月耿夔爲度遼將軍

秋九月鮮卑寇居庸雲中太守成嚴功曹楊穆死之鮮卑遂圍馬城度遼將軍耿夔擊却之

延光元年冬十月鮮卑寇定襄

二年冬十一月鮮卑寇曼柏

三年秋鮮卑寇高柳

順帝永建元年秋八月鮮卑寇代太守李超死之

陽嘉二年秋八月鮮卑寇代

四年冬十月烏桓寇雲中

永和五年夏四月南匈奴寇代度遼將軍馬續擊破之

五月詔度遼將軍續招降南匈奴

冬十一月中郎將張耽來討南匈奴降之

桓帝末壽二年秋七月鮮卑寇雲中

延熹元年冬十二月南匈奴及烏桓鮮卑入寇

夏六月南匈奴烏桓鮮卑入寇

靈帝建寧元年冬十二月鮮卑入寇

熹平六年夏四月鮮卑入寇

秋八月烏桓校尉夏育及中郎將田晏出塞擊鮮卑敗

績

獻帝建安二十三年夏四月代烏桓反魏王曹操遣其

子樟來擊破之

昭烈帝章武元年秋鮮卑入居于代

後主建興四年魏鴈門太守牽招來擊鮮卑于雲中敗之

六年秋鮮卑圍魏烏桓校尉田豫于馬城

晉懷帝永嘉四年秋南匈奴北部分并州刺史劉琨以索頭來討平之封索頭拓跋猗盧爲代公

元帝大興元年夏五月代郡太守辟閭嵩謀討段匹磾不克死之

穆帝昇平三年燕居匈奴賀賴頭部于平舒

哀帝隆和元年代王什翼犍至代郡代始入于拓跋氏
孝武帝太元元年秦主堅以劉衛辰屯代分代爲二置
戍雲中

秋八月劉顯納拓跋窟咄于代魏王珪擊走之

十六年魏主珪屠五原誅劉衛辰于說跋城

安帝隆安二年魏定都于平城卽今大同府魏主珪稱皇帝

命朝野皆束髮加帽

文帝元嘉元年柔然寇雲中魏主擊却之

二年魏宜城王奚斤將軍安原閭大肥出塞擊柔然絕
幕而還

魏殲新民于五原

梁武帝普通三年魏居柔然于懷朔之北

四年柔然入寇魏驃騎將軍李崇出塞討之至瀚海不及而還

五年拔陵寇雲州

六年魏廣陽王琛邀擊于朔州破之

七年恒州勅勒反魏都督高士貴來討柔乾勅勒反魏別將余朱榮來討平之

七月鮮于阿胡反陷平城

元帝承聖元年齊主至代遂出塞擊庫莫奚破之

二年齊居柔然于馬邑川

陳文帝天嘉五年周揚纂來屯靈丘

梁敬帝太平二年宇文覺篡西魏爲周

十二年周司徒于翼來行障塞

隋文帝開皇二年突厥寇馬邑柱國李崇擊破之

三年魏王爽出塞擊突厥大敗之因城原陽雲內紫河
鎮而還

七年春正月突厥入獵于恒代

十九年左僕射高頴出塞擊突厥都藍可汗破之

冬十月居突厥于朔州

二十年太平公史萬歲出塞擊突厥破之

仁壽元年行軍元帥楊素出塞擊突厥破之

煬帝大業元年突厥啓民內附遂牧畜于定襄馬邑間
詔諭出塞

三年帝至雲州遂幸啓民帳

九年護北番軍事裴矩誘突厥史蜀胡悉于馬邑斬之
秋突厥始畢寇馬邑太守王仁恭擊却之

十三年馬邑校尉劉武周殺仁恭附突厥以叛

夏五月唐公李淵因帝南征詐詔集馬邑太原西河鴈
門丁男爲兵

唐高祖武德元年頡利可汗歸五原

二年劉武周入寇十一月秦王世民來討武周破之

五年冬十一月突厥人居五原總管任城王道宗逐出

之

六年夏六月高滿政以馬邑降

秋突厥寇馬邑總管高滿政擊却之

冬十月突厥人寇陷馬邑總管滿政死之

十二月突厥以馬邑請和

七年突厥寇馬邑總管秦武通擊走之

太宗貞觀四年春二月總管李靖李世勣出塞擊突厥

大破之

夏四月總管張寶相禽突厥頡利可汗歸于京師
置定襄雲中都督府居突厥于塞下

十三年秋七月歸突厥于舊部

十五年冬十一月突厥來奔

十二月總管李世勣出塞擊薛延陀大破之

十七年薛延陀寇定襄總管世勣擊走之

永隆元年春三月總管裴行儉出塞擊突厥破之

秋七月突厥寇雲中都督竇懷哲中郎將程務挺擊走

之

永淳元年冬十月突厥寇雲中都督薛仁貴擊破之

弘道元年春三月突厥寇雲中司馬張行師死之

夏五月突厥寇蔚州刺史李思儉死之

六月突厥寇豐州執都督崔智辯以歸

中宗嗣聖元年秋七月突厥寇朔州將軍程務挺擊却

之

十五年秋八月突厥來攻陷蔚州

景龍二年春三月城三受降城

玄宗開元三年夏四月突厥款塞

代宗廣德二年僕固懷恩攻太原不克奔雲州

冬十一月僕固懷恩以吐蕃寇豐州守將馬望死之

貞元八年夏六月徙西受降城于天德軍

九年夏五月回鶻入寇

文宗太和四年置代北行營沙陀朱邪執宜爲招撫使
開成五年冬十月回鶻款塞

武宗會昌元年秋九月詔備回鶻

冬十二月回鶻入屯塞下

二年秋八月使者來喻回鶻出塞

三年春正月回鶻入寇節度使劉沔朔州刺史石雄擊

破之

二月黠戛斯款塞獻名馬

懿宗咸通十年冬十月朱邪赤心從劉沔破回鶻拒吐
番詔賜姓名李國昌進大軍節度使國昌與子雲中
守捉使克用合兵以叛

僖宗乾符五年春正月李克用殺防禦使段文楚

廣明元年秋七月克用奔于達輶

昭宗大順元年春二月克用寇雲州

秋九月李匡威攻蔚州十一月蔚州陷

二年秋七月李克用陷雲州

景福元年春二月李匡威攻雲州

二年夏五月李匡威戍蔚兵潰

乾寧四年秋九月晉王李克用來討劉仁恭于木瓜澗

敗績

天祐二年晉王克用會契丹于雲州

十三年秋八月契丹入寇陷朔州

冬十一月契丹陷蔚州

後唐莊宗同光二年蔚州歸正契丹復寇蔚州

四年夏四月契丹寇雲州

五年春正月契丹陷寰州

長興三年冬十一月蔚州刺史張彥超以州叛降契丹

潞王清泰元年秋九月契丹來攻次于雲州分掠靈丘
三年河東節度使石敬瑭割蔚朔雲應寰及幽涿薊檀
瀛漠新媯諸州以賂契丹

晉高祖天福二年春二月契丹主至雲州判官吳繼拒
之

夏六月召雲州判官繼歸契丹入雲州

五年夏六月趙崇以朔州歸正

冬十二月契丹陷朔州

晉出帝開運元年秋八月鎮兵來取飛狐不克而還

周太祖廣順三年春三月契丹主至應州

宋太祖開寶五年秋七月契丹主至雲州

六年春正月契丹主至應州

太宗太平興國七年秋八月契丹主至雲州獵于祥古
山

雍熙三年都部署田重進潘美來取諸州克之契丹兵
至諸州復陷

代州刺史楊崇及契丹戰于陳家谷死之

真宗景德元年冬十一月契丹主至桑乾

六年春三月契丹置雲朔尉應轉運司

天禧二年夏五月契丹主至雲州

仁宗慶曆元年秋八月夏元昊陷豐州知州王餘慶兵
馬都監孫吉死之

四年冬十一月契丹號雲州爲西京置大同府

神宗元豐八年春二月契丹主至應州

徽宗宣和元年春二月契丹留守蕭乙薛發兵定奉聖
四年春正月契丹主至雲州三月金粘沒喝敗契丹兵
于北安州契丹主奔夾山金人遂陷雲州

六年夏使使至金受地

七年春二月契丹主奔于應州金人執之以歸

十二月金陷蔚朔諸州

欽宗靖康元年夏四月夏人入寇陷天德武州金人襲
取之

高宗建炎四年冬十二月金坑客戶

孝宗乾道元年金置應州招討司

二年春三月金主至雲州

寧宗嘉定三年秋八月金留守胡沙虎及元木華黎戰
于定安敗績元遂陷雲朔豐勝諸州

七年春二月元攻武州金刺史楊沃衍禦却之

理宗寶慶元年秋八月元主至雲州

元順帝至正十九年春二月都督孛羅帖木兒來鎮大

同

二十四年夏四月李羅帖木兒反

二十五年夏四月陝西行臺擴廓帖木兒來襲大同

國朝

高皇帝洪武元年右丞薛顯叅政傅友德陸聚來取大同禽元喬右丞等三十四人以歸

二年元擴廓帖木兒奔大同副將軍常遇春北伐擴廓奔甘肅其守將竹真棄城遁遂取大同

此大同自石晉棄割之後四百餘年復合于中國也

二月都督汪興祖來守大同

將宣武振武崑山三衛兵兩敗元兵斬獲甚衆此將
臣鎮守大同之始

三月都督興祖取武朔州禽元知院馬廣等六百三十
四人

八月元脫列伯寇大同偏將軍李文忠右丞趙庸擊破
之

遇春北伐還次柳河川而卒文忠代將其軍文忠至
太原聞脫列伯攻大同甚急與庸謀曰吾等專制閩
外今大同受圍若俟進止恐失機會于是率諸將譚
濟等出鴈門過馬邑抵梅峪口遇元邏卒數千與戰

敗之擒其平章劉帖本進次白楊門又禽所謂四大王者前軍去大同三十五里阻水而壁文忠密遣人與城中都督興祖期是夜脫列伯悉衆來攻文忠堅壁不動以二營委敵督令死戰不之救自寅至辰度已疲分軍疾馳薄其陣城中亦開門出腹背奮擊大破之追至炭窖擒脫列伯降其衆進兵東勝州至莽哥倉而還初元主北奔命脫列伯以重兵攻大同規恢復及是乃絕意北竄

三月指揮童存道及北虜戰于斷頭山死之

時諸將北征存道從中山侯湯和守合墩不刺營至

陽和北境斷頭山遇虜力戰死之

六年虜寇武朔臨江侯陳德鞏昌侯郭子興禦之師至

虜夜遁

八月虜寇朔州指揮謝彥擊破之

十月副將軍李文忠出塞擊北虜禽其太尉伯顏不花

十一月北虜寇大同大將軍徐達副將軍文忠馮勝禦

却之

文忠已退師虜酋王保保復寇大同是時諸將分屯

代寧間達聞警復向大同至猫兒庄

在陽和北代縣

遇雪退

壁于鴈踏堡邏騎獲其平章鄧孛羅帖木兒達詰之

知懷柔有伏兵分兵拚擊禽其將康同僉王保保遁

七年指揮景

名缺

出塞擊虜破之

虜數出沒

詔文忠北伐文忠時駐代縣發景出白

登遇虜禽其國公孛羅帖木兒

八月文忠出塞攻大寧克大石崖至豐州

文忠出塞擊虜斬其魯王及司徒谷海俊平章把都

知院忽都得魯王妃蒙哥顏于是北虜乃兒不花遣

人款塞詔許之

征虜大將軍馮勝出塞定散不刺地踰月還

三十二年燕王至大同

安捷考
卷之一
由紫荆歷廣昌蔚州進大同諸將張玉朱能薛祿陳
亨亨子愆皆以兵從

成祖永樂八年 上親征北虜

先是建文末北虜主坤帖木兒非元裔也韃靼太師
阿魯台統其部落求蒙古之族本雅失里立之永樂
七年遣給事中郭驥齎書諭令通好爲失里所殺八
月淇國公丘福出塞擊虜敗績 上乃決意親征明
年三月 車駕出塞五月至幹灘河元祖始興地也
本雅失里率衆拒戰 上麾前鋒敗之六月班師阿
魯台復來拒敵 上率精騎徑衝敵陣阿魯台敗走

次擒胡山勒銘而還

二十年阿魯台寇興和殺守將指揮王煥上將親征

大破之

阿魯台寇興和守將王煥戰死上親征至鷄鳴山
虜聞之夜遁上曰所以羽翼魯台爲逆者兀良哈
也麾兵進擊斬首數百級抵其巢穴收人口牛羊駝
馬十餘萬而還

英宗正統十四年北虜入寇總兵官朱冕敗績

虜由陽和入冕及西寧侯宋英禦之俱沒于陣

八月車駕幸大同

初虜入寇中官王振力主親征上至萬全聞英

冕敗詔郭登副廣寧伯劉安鎮守大同時兵勢搶

攘人情恟懼虜聞駕北征佯退以伺上遂幸鎮

城王振猶主北進鎮守宦官郭敬密言于振以爲決

不可往時有黑雲如繖覆營上又雷雨大作振始沮

乃議班師副總兵登言于學士曹鼐張益曰即歸宜

入紫荆虜情叵測也既而下令入紫荆人情大安行

四十里忽折而東復道居庸是以有土木之變上

既北狩虜旋入寇奉車駕至鎮城下要金帛郭登

閉門不納上傳旨曰我與登有姻婭何以外我登

使人奏曰賴社稷神靈有君矣臣奉命守城不敢擅開閉知府霍瑄宦官郭敬括公私萬餘金以賄虜虜笑而不應登曰給我耳不若謀劫營奪駕集壯士與盟或以危言沮之不克出虜亦驚疑而去

棄東勝

國初置東勝諸衛然多事草創什伍虛耗至是畏虜勢擁逼內徙諸衛遂棄東勝左右雲川玉林諸舊地景皇帝景泰元年二月北虜入寇郭登擊破之

虜數得志往來恣肆登拊循將士激以忠義至是入寇登提兵壁水頭漏下虜連營至登召壯士問計或

言衆寡不敵宜早退登奮然曰軍已去城百里退則
爲敵乘言退者斬徑薄虜營登先登陷陣追奔四十
餘里至栲栳山而還斬首二百級

六月虜寇蔚州

少保于謙議增紫荊倒馬屯田是年八月 上皇車
駕還京師

四年北虜入貢

北虜也先弒其主脫脫不花并其部落遣使入貢自
稱大元田盛大可汗 朝議報書因其部落舊號稱
瓦喇王于謙曰今次入貢旣由甘肅大同復由宣府

獨石而來各處道途俱有虜通伺門窺隙可慮爲甚
請行邊將餉備

叛賊小田伏誅

田邊人降虜也先信用之與喜寧等侍郎王偉旣至
邊受兵部于謙密計圖之至是小田隨虜入貢偉親
至陽和城納之因其行獨後伏勇士于道執斬之給
曰彼思其親亡去虜不疑邊擾大息

英宗天順四年八月北虜入寇

自威遠入總兵官高陽伯李文素怯懦擁兵退避虜
遂抵鴈門掠朔代忻崞砲火徹于京師大學士李賢

倉卒入奏乃 詔發兵倒馬紫荆以備畿甸于是都督顏彪屯紫荆馮宗屯倒馬虜初見鎮兵不戰意大恣肆及三關屯兵悉至鴈門虜始退

憲宗成化九年北虜入貢

虜酋脫脫遣使打闌帖木兒等四十餘人貢馬許之
十三年春北虜入貢

虜酋滿都魯毗加思蘭遣使桶哈刺河忽平童等三千餘人貢馬駝 詔許一千七百人餘省諭令還巢虜告饑鎮撫官廩之而去

孝宗弘治十三年夏北虜入寇

詔副總兵姚信立功

自贖

先是北虜小王子數求入貢而虜酋火篩及脫羅干之子大節頗雄黠為部眾所服小王子不能制至是火篩大節分道自大同入寇西路歷威遠左衛駐營朔州東路歷天城陽和駐營蔚州之煖泉散掠屬邑副總兵姚信遊擊陳廣李祥擁眾堅壁不敢戰 詔平江伯陳銳侍郎許進進師討賊亦不敢嬰其鋒虜縱掠數日引去巡按御史趙鑑疏論信廣祥罪 詔立功自贖

十七年北虜遣使求貢

安撫考 卷之一 二十一
虜酋小王子遣使款塞意甚懇至撫鎮以聞 詔許
二千人入貢已而不至降者言虜中變有異志乃

詔飭邊備

十八年六月北虜寇應州

由懷仁入

七月北虜寇宣府副總兵官黃鎮遊擊穆榮赴援敗績
虜由新開口入至宣府虞臺嶺大同兵及宣府總兵
官張俊副將白玉遊擊張雄等禦之虜縱數千騎嘗
我軍玉置營土阜虜望見指笑曰彼自落乾地可立
敗也乃合兵圍我軍數重絕汲道止留隘地一隅時

俊別營在外不知其計以兵來援因與玉及榮合營
虜復斷隘道于是內外不相聞糧水俱絕諸軍營中
掘井深十餘丈不得泉遂大困爭飲馬溲咀馬矢凡
十七日天大雨雹賊乃解去士卒死者八千人馬畜甲
仗盡爲虜有

武宗正德九年北虜寇蔚州

由宣府至復由順聖東西城以出

十一年北虜入寇副總兵官安國及偏頭關副總兵官
郭錦延綏遊擊杭堆禦却之

虜由平虜水泉營梨兒墩入至鎮西衛安國郭錦會

兵禦之至土溝覘者言虜勢甚衆山西都御史李鉞大同都御史王憲檄雄及附近兵悉至乃分三路並進斬首百四十級虜退

冬十月車駕幸陽和

東西然以出

北虜寇應州

于北實家孫依

鎮兵出戰有功時閣宦在事賞實浮于功云

十三年七月車駕幸大同

上幸張林八千人思富甲

肅宗嘉靖五年北虜寇井坪中路叅將李瑾擊破之

虜寇西路井坪地中路叅將李瑾馳兵赴之時西路

叅將劉鎧遊擊李鑑兵先至惶惧不知所出瑾爲申

十 令戒衆合兵置陣先據荷葉山虜數衝突不爲動最
後以大砲擊其中堅而自督勁騎馳下擊之虜披靡
十 引去

八年北虜入寇

十 虜酋小王子糾套虜七萬餘騎由井坪入遂掠朔州
至偏頭關乃退

九年北虜寇威遠

黃榆山入守備賈英出戰

十年北虜入寇

虜入大同塞撫臣疏請貽書召小王子來歸兵部尚

書李承勛以爲不可乃止

十月北虜入寇

夾鎮城西下總兵官彭煥堅壁南山不敢戰虜遂入
懷仁山陰至廣武大掠時 廷議將出京營兵禦之
既而虜得利去乃止

十一年北虜寇威遠

由臘鷄屯入

十二年北虜寇右衛

由雙城入

十三年叛兵以北虜入寇

先是嘉靖三年五月巡撫張文錦以大同北無亭障
虜易闖入議城紅寺臚圈窯山墩水盡頭沙河等堡
工將就議屯戍欲于鎮軍內摘發二千餘以往或勸
文錦召募充之不聽指揮賈鑑者故西路叅將以言
事爲文錦所幸力贊之文錦曰令行自近我先以三
標下鎮撫親兵部曲往軍中服矣三標下故素游惰
且有家業聞當發大恐于是伍豪郭鑑柳忠陳浩胡
椎郭巴子等百餘輩聚謀抗勿往文錦因薦賈鑑爲
叅將令督工趣以當發者兵護役鑑擇美好土田私
之後諸軍墾田工甚急諸軍曰首畫城戍之策者鑑

也又多自私重困我殺之役可罷遂擁殺鑑叛出塞
營于焦山文錦聞變遣都指揮徐輔大同知縣王文
昌再往招撫叛卒還且共約曰毋解散聞砲聲卽合
劫掠衢市不可制已而文錦下令跡謀殺鑑者卽夜
舉砲攻院門文錦被害劫府獄兵仗出罪人奪諸城
門自守之間遣使走虜求附而推廢總兵山陰朱振
爲主時振以賊繫獄怨望喜禍陰爲郭鑑等畫策九
月上命都御史蔡天祐總兵桂勇來討叛諸叛猶
屯結不解天佑密捕二十餘人誅之衆稍戢會叅將
李賢往征回夷取道大同諸叛訛言曰此屠城兵至

矣復譟聚殺王文昌曰文昌紿我天佑密疏請勦十
二月以戶部侍郎胡瓚都督魯綱提京薊兵數萬來
次陽和瓚密檄桂勇擒首惡勇僞若不罪郭鑑者召
而賜之食令家人卽食所斬之仍擒餘黨三十餘人
函首以獻越二日鑑父郭巴子復率餘黨譁曰鎮府
賣我也始言見原而今盡殺之耶分閉城門譟而攻
勇執之幽于葉總兵第天佑時臥疾急輿而至反覆
曉譬勇得不死間行還京師諸卒訴天佑乞哀佑曰
能擒首惡兵猶可止諸卒乃擒徐毡兒等四人以獻
斬之郭巴子匿去諸逆黨仍推振爲主瓚綱畏縮自

知力不能辦遂自軍中上書為振乞節鉞鎮守大同
 以安軍心舊犯一無所問反言天佑專事姑息難消
 邊患 上切責之瓚綱班師于是賊首徐毡兒郭巴
 子胡雄輩見師還事定不復藏匿四年春二月天佑
 督親兵一時捕獲四十餘人悉斬以殉下令曰此後
 有再告前變者即以其罪罪之人情始定朱振罷十
 二年以李瑾為總兵官振雖閑廢不歸山陰徘徊鎮
 城凡大同帥有區畫必與之謀振陰出以示惠于諸
 軍瑾至一切謝絕振憤恚結死士以伺瑾知瑾東軍
 嚴苛又新議于天城左浚濠以遏虜騎時兵部侍郎

劉源清爲總制期三日竣事振遂以危言激之于是
前漏誅王福勝李富子等復倡亂從者六七十人圍
瑾解瑾知事急率其弟玠執弓矢登門拒戰矢盡嘆
曰吾爲大將豈死亂手乎解胄自殺遂共劫庫出兵
復脅都御史潘倣令草疏言鎮臣苛刻激變請置勿
問 朝議不可源清時駐陽和榜示鎮城曰五堡之
變 朝廷處太寬今復戍主帥天討所必誅也五堡
遺孽偶語謂欲追理甲申事益不自安嬰城拒命諸
爲桂勇及蔡天佑所用擒捕首惡者悉搜殺之遣人
以金幣女伎遺北虜乞援遠近大振 詔源清進兵

以部未爲總兵討叛人復推朱振爲主源清遣僉
事孫允中入城諭曰太師且至能釋兵以迎不問諸
卒譁潘倣乃令允中及諸裨將擒斬二十餘人函首
軍門乞緩師不許黎明源清師至城斬關入大肆殺
掠諸卒及五堡擁指揮馬昇楊麟爲渠帥閉城門弗
啓少頃部永師至亂兵開門迎敵殺我裨將一人潘
倣孫允中反覆馳諭不聽時叛兵所遣走虜乞援者
爲邏騎所獲源清得朱振爲諸卒區畫通虜狀僞召
振至幕府計事因出邏獲者示之振飲藥死而虜酋
吉囊青台吉擁五萬騎至矣永兵駐城下不敢戰源

清出兵聚落與戰失利叛兵王福勝等納虜衆十數
人入城指代王府示之曰兵退以此與汝小王子居
虜咬指謝福勝欲盡納虜入城諸叛或以爲不便未
決而援兵陝西遊擊某者潛出塞襲虜輜重虜聞之
亦疑畏分兵掠應朔懷仁諸郡邑羽檄達京師中外
洶洶議遣使九邊募兵益之源清上言請別設總制
禦虜而已專事攻城 上不允下勅曰叛卒殺主將
法不可赦旣云脅從不問何又引水灌城大同北門
要地 祖宗所遺必欲城破人誅何由興復源清聞
之始不敢濫殺而遠近亦知用兵非 朝廷意也于

是戶部郎中詹榮在圍城中素平出納爲衆所信服
計曰叛兵同惡不過數十人得軍門一札就中圖之
一裨將任耳何以勦爲乃具謀軍門而召遊擊戴廉
謀廉曰此非得馬昇不可榮召昇激以大義昇委心
焉言于衆曰自兵斷炭路城中凍甚詹戶部有信義
况之一出乞軍門可生也遂挿血盟會源清解任張
瓚代爲總制榮規畫已定出遇奉差兵部主事楚書
于途書手榮曰大事可就願與共之榮曰城中不知
德音今藉公齋 詔入一省慰之則事濟矣書從之
入城詒賊曰炭路許通然聞有 天使齋赦至是闔

城生路也諸叛稍稍懈昇遂夜與同盟分擒數十人
城中大定巡撫樊繼祖設倉賑卹迎贖至退諸路兵
諸脅從喜曰詹公活我哉虜聞之亦遁去

十月北虜入寇

由芍藥坡入

十五年八月北虜入寇

由紅寺口入遂掠渾源靈丘殺虜甚衆

九月北虜入寇

由陽和瓦窰水峪鐵裹門口入

十六年總兵官梁震出塞擊北虜敗之

震陝西人素著戰功善用人家丁輩樂爲效死充長
于出塞擣營時大同乘兩變之後悍卒縱肆主將每
每甘言煦之稍不如意則反唇瞪目或飛章訛語相
搖撼震素知其態率所養家丁三百輩馳至申嚴約
束禁治私聚一軍大驚其家丁輩時時向鎮兵語曰
爾敢蔑主將者恃其衆耳我輩在此無不當百五步
之內恐爾不得用其衆也二月出塞擊虜戰于玉林
川糜宣寧縣斬首百四十餘級三月復出塞戰于紅
崖兒斬首百八十餘級軍聲大震

十七年二月北虜入寇

先是虜由陽和犯塞總兵官梁震及副總兵戴廉遊擊王陞督兵赴之既而虜由野狐嶺直犯鎮城巡撫都御史史道率都指揮徐珏等以步卒陳于城東東塘坡虜遂南掠至懷仁乃退是役也虜先以偏師誘我兵東出而以大眾向鎮城過城下呼曰爾梁太師何在蓋覘知震東矣時騎兵盡出止存老弱非道出陳幾至不測然虜所殘破亦不勝計

秋七月北虜入寇總兵官梁震禦却之

初張文錦之議築五堡不成水口諸堡悉廢是後虜寇無歲不警警無不至鎮城下者尚書毛伯溫既總

軍務行邊北望大漠嘆曰大同以蔽鴈門紫荆也鎮北屬堡不立斥堠鮮施則何以遏驅追奔耶乃上疏力言之且曰時不可苟失言不可人棄文錦計畫善而作事失今修復不必仍舊但擇要害土田不必起科但令開墾戍卒不必摘發但取樂從條上諸事巡撫史道力任之是年虜由石窰溝入于是弘賜等五堡初就兵戎新合且城塹為險可據震督兵禦之虜退

十九年秋七月北虜入寇遊擊戴昇敗績

虜號十萬分二路一入宣府右衛掠順聖東西城蔚

州廣靈縣一入弘賜東口掠懷仁渾源靈丘馬邑朔
州復由弘賜東口而出殺戮甚衆昇承調援廣靈至
靈丘北紅山遇虜兵敗死者千餘人

八月北虜入寇

由平虜井坪而入遂掠山西岢嵐等處十二月復由
本路入掠朔州馬邑山陰應州

二十年北虜求貢不許

虜酋俺荅阿不孩者小王子別部也機詐雄于沙漠
至是遣所虜漢人石天爵與虜使一人來言累年犯
塞兵刃殘傷所得諸畜出塞輒死失且北部素通中

國進貢不絕後因小失乖異今願入貢獻馬駝貢道
通則兩不猜忌中國可出二邊懇田北部自于磧外
畜牧請飲血爲盟于是撫臣史道鎮臣王昇以聞

二上曰虜情叵測詒我耳 勅樊繼祖督軍務嚴脩備

購斬俺荅阿不孩且無令私得釋石天爵時天爵已
逸去鎮撫俱獲罪後天爵爲戍卒擒斬之

八附楊守謙求貢紀壬寅夏俺荅叩邊通款楊職方博
過謙曰俺荅求貢今當何如謙曰宜許楊意亦同及
兵部疏上當道駁之再上而議論異矣旣而斬石天
爵又購斬俺荅夫兵交使在其間况求貢乎殺一天

爵何武借曰不許亦當善其辭說乃購斬之此何理也橫挑強胡塗炭百萬至今無一人知其非者巡撫史道乃以交通外夷擬重罪雖釋不誅當事者惧矣夫今之以貢爲疑者必曰宋以和議誤國不知此貢也非和也九夷八蠻皆許入貢何獨北虜而絕之昔正統北狩也先求貢少保于肅愍公曰和則不可入貢在所不拒不拒云者聖王待夷狄之道也或曰貢使往返畿輔窺我險易不知此易防也館其人于大同進其方物于京師亦何不可今朵顏諸夷不往返乎或曰虜初無誠心假此啓釁不知虜利吾貨何有

不誠連歲入寇豈待有釁或曰驗放之時大惧不虞
不知虜衆入寇我倉卒以孤軍禦之驗放有定期定
處我徵兵爲備反有虞耶或曰得貨之後彼將敗盟
不知犬羊嗜利貪漢財物含哺于前朶頤于後肯自
沮乎縱使賣我所失幾何或曰通貢警息我必怠於
自治不知怠不怠在我不在貢不貢也嘗恨成化間
不能及時設險使虜復貢我以其間暇盡築宣大及
花馬池邊內多爲大堡募民盡耕其地使穀賤如成
弘間則何爲而不可也昔嘉靖初土魯番求貢當時
皆有危言及晉溪王公許之今十數年西鄙少事乃

知當大事者非有真見不可蓄疑者未始不敗謀也

七月北虜入寇

由左衛豬兒窰入掠馬邑朔州遂入楊武峪抵太原復掠靈丘諸處

二十一年北虜入寇

由左衛吳家口入掠馬邑朔州歷太原汾州平陽復掠平虜諸處而出虜自六月丁酉入塞至七月庚午凡掠十衛三十八州縣殺擄男女三十餘萬牛羊豕畜二百萬衣襪金錢稱是焚公私廬舍八萬區蹂田禾數十萬頃

二十三年北虜入寇總兵官周尚文禦却之

斬五十餘級虜勢少却

十月北虜入寇

由宣府膳房堡入遂掠順聖東西城蔚州廣靈靈丘
廣昌縣破三家村殺戮幾盡欲叩紫荆馬疲而退宣
府總兵卻末尾虜後不敢戰前鋒官李彬遇伏死之
時總兵周尚文以兵遮虜西路至鳳凰山遇虜尚文
勒軍申令斬失伍者數人合戰頗有獲虜復道蔚州
由陽和瓦窰口鐵裹門而出

秋七月宗人克灼謀通虜以反伏誅

充灼者和川王府奉國將軍也素淫縱與諸惡少比
祿入不給諸惡少譏之曰豈有雄俠如三將軍而長
貧者耶灼行三也時宗人將軍俊桐俊巢等中尉俊
振等亦酗酒無行灼與之善使酒劫掠民間有大雷
公之稱二十三年郡守劉永憂歸灼等禦于門劫其
裝撫鎮以聞奪祿米灼快曰丈夫當舉大事而以掠
數錢爲罪耶乃與俊桐等謀不軌時有羅廷璽與汾
州民王廷榮相友善以左道惑人而諸叛兵向所遣
入虜名衛奉者尚漏未誅或告灼曰廷璽有神術衛
奉知虜中要領有急可使于是灼召廷璽奉至與俊

桐輩軟血盟廷壘見灼偽驚伏謁稱臣曰大貴人也
乃糾狂生刻將軍通侯印議遣使奉虜令兵分三道
一入陽和天城一入左右衛一令酋長至城下而已
開門應之徐以兵下平陽自立遂遣衛奉使虜又密
令諸惡少以火箭燔芻場于是渾源山陰右衛平虜
諸芻場同日火總督翁萬達偵知之至鎮城與都御
史詹榮定計榮曰此地易搃湏靜定擒之但當慮其
北走耳召總兵周尚文諭之曰君知虜謀能入吾境
乎亟懸賞購得虜謀或私出塞者詰邊之令徧下時
衛奉自虜中還語灼曰已見虜酋察漢兒令製旗着

兵至城下揭旗爲信灼大喜製旗爲表徃謝更許以
大同爲賂付奉與其黨劉大濟王儒復詣虜營奉曰
當道詰邊柰何灼曰以六芻場同日火之故不足慮
也決計遣行而令廷璽至汾州約廷榮爲內應使潛
爲火噐諸不軌物以俟奉等至塞遇墩軍則曰帥府
遣哨料者咸不之疑次日至鎮河村如前對遂出塞
抵榆樹灣遇雨暴諸物適尚文所遣邏徼至鎮河疑
曰無遣而曰遣豈虜謀耶追至榆樹灣得其旗表諸
物于是督撫具灼反狀伏誅

二十四年北虜寇鶻鵠峪守將張鳳生員王邦直戰死

安撫考
卷之一
三十三
虜寇陽和總督侍郎翁萬達禦却之

先是十九年二十年二十一年之寇率由朔州南逼
鴈門以故總督開府朔州侍郎萬達至乃曰朔雖虜
故道今大同屯重兵三關崇垣屹如虜知之矣太原
諸邑已殘破虜二十三年寇紫荆不利故不及掠洪
蔚今有犯必陽和次洪蔚也陽和居宣大中其鐵裹
門水峪口鶻鵠峪俱要害處乃移鎮陽和以翼蔽宣
大維時原任西路叅將張鳳以獲罪立功在軍門磁
州生員王邦直以武力之士應 詔至又原任總兵
官張達總兵官王昇子國順生員成諧張霆儒士尹

秉衡降者火力赤勇士王萬臣輩督府皆厚遇之而
邦直尤加殊禮至是督府分諸人爲二部檄達秉衡
援鐵裹門鳳邦直援鶉鴿峪旣而虜寇鐵裹門達秉
衡挽強弓射却之虜攻盡日秉衡善袖箭長尺許葭
中虜皆飲羽虜駭爲神乃攻鶉鴿峪鳳邦直亦射却
之虜復合衆欲稍前鳳不聽成諧呼曰有如虜至遶
山下絕汲道不坐困乎虜鋒已剗直前搏之可走也
遂躍而進鳳語邦直曰前有不虞柰何邦直曰雖不
前虜舍我乎且失成諧無以面軍門大呼入虜陣虜
皆辟易見其兵少無繼遂聚而圍益力鳳爲流矢所

中于是有勸邦直潰圍出者邦直曰吾誓以腔血報軍門矣衝突入陣奮擊殺十餘人馬僵尸擁遏不得進乃棄其大刀提鐵簡四面擊之困甚一虜自馬腹下撲其膝邦直知不免乃曰天也遂自刎虜憤所殺傷多群斫之虜旣入鶉鴿峪遂南下列營陽和萬達聞虜入曰邦直死矣乃親出陣而遣勁卒伏白登村蓋虜掠洪蔚道也檄總兵官周尚文曰急提兵至遮其歸吾拒其前爾邀其後虜可縛也是日虜以精銳向我軍督府令開壁門中軍振鼓作樂不之顧而潛伏死士于兩腋令曰虜叩壁炮發兩翼橫衝斷之左

翼拒外右翼拒內而又偃諸砲及毒火銃數重于壁
門虜不敢犯移陣還營兩翼追之幾造其壘周尚文
得檄馳至陽和山後計曰此去陽和六十里夜不可
進須曉發恐不及且虜連戰疲矣可先聲懼之令喊
于軍者三時靜夜風猛聲聞山前于是虜大懼我亦
以爲尚文兵至也四鼓虜拔營遁我兵追出塞不及
而還于是陽和一禾一畜無失者蓋虜戰鐵裹門鵠
鵠峪已有懼心而中軍之堅壁應兵之時至幾成大
捷云

二十五年六月北虜款塞

石天爵既誅虜不復言貢事至是俺荅阿不孩復遣使款塞言俺荅及諸酋長小王子把都兒官兒台吉俱願入貢兵備副使陳耀親出塞譯審之信督府以聞詔拒之

二十六年北虜遣使求貢不許

虜酋俺荅阿不孩復遣使款塞萬達具疏上言俺荅諸酋求貢不遂而耻將挾衆大舉今猶以貢爲請臣職在封疆奉有嚴旨惟議戰守但兵家之事不度利害恐黠虜匪茹數十萬齊至非我兵可敵耳時巡按御史黃如桂疏奏虜自火篩爲捷貢禮寢廢迄四

十餘年自石天爵倡人貢之請至今又踵行前詐豈可輕信况貢亦寇不貢亦寇者夷狄之故習也貢亦備不貢亦備者邊臣之至計也事貴于先圖法重于申令乞勅督撫嚴加防禦 上曰逆虜連歲寇邊詭言求貢勿得聽從如有執異處以極典時陝西有復套之議當國者故力沮之

二十七年北虜寇天城

初督府翁萬達移近塞墩于長城增卒爲守令曰乘塞兵至則謹飭烽堠乘塞兵罷則帶管塞垣每墩半里許雖小舉舉烽共拒之不數刻所司兵至故冬暮

卒無事及是逼正旦墩卒或私赴城市虜伺便燒暗門入驅羊馬數百去亦有在野被擄者守城諸守備皆被重譴而邊令益嚴矣

八月北虜寇拒墻堡總兵周尚文擊破之

初尚文城拒墻堡在長城外督臣萬達難之既已成矣乃檄尚文伏精騎護禾稼尚文遣家丁設伏彌陀山刈禾者出虜果縱數千騎逾山而來家丁逆戰矢盡登山自守一夕五告急督府曰不救是後難使人且虜今不懲後無五堡矣促尚文出師括民車百餘輛列火器其上實以熟食出塞虜易之尚文且戰且

行度虜厚集處火噐大發殺傷甚衆遂解彌陀之圍
家丁保彌陀三日不食得車食飽而復戰虜奔斬首
甚衆

二十八年四月北虜入寇射書求貢

虜耻款貢不遂又以前二十五年使者保兒賽入求
貢被殺益憤恚縱掠塞下且射書來以爲許貢則當
約束部落令不犯邊否則秋且入關奪搶進逼京輔
虜知我兵怯又數入得利故言辭桀驁要挾無忌遂
率衆由樺林兒至松樹墩登暗門潰墻而入寇大同
左右衛及威遠等處攻燬堡塞五十餘所

二十九年虜犯大同總兵官張達及副將林椿死之

時虜酋俺荅率衆數萬由小鶯圪塔墩口入大同塞計伏精銳谿谷中以羸騎百餘爲餌偵卒信之走白達達素果敢徵兵未集遽率麾下卒馳擊之伏發圍達數匝馬蹶見殺椿分兵擊虜零騎于彌陀山聞達被圍不介馬而馳援達亦中流矢死虜得二將首輒引去事聞上嘉其忠各贈官賜謚立祠祀之達陝西人目不知書然慷慨負竒節膂力絕人平生遇敵好摧營陷陣所向有功卒以此敗邊人至今稱之

八月虜窺大同咸寧侯仇鸞賂入薊州遂薄內地詔

以鸞爲平虜大將軍總督勤王師

先是虜酋俺荅脫脫辛愛等自威寧海移駐斷頭山并調集套虜聚衆數十萬謀深入總督蘇佑初至請益兵餉不報俺酋狼台吉擁衆窺大同時威寧侯仇鸞繫獄甫釋賂大學士嚴嵩起爲宣大總兵至是聞謀告懼甚私遣其厮養時義以重賄結俺荅令別寇宣府或薊州無犯大同虜遂東去寇薊鎮由朵顏三衛入虜之東也鸞實使之乃佯奏探知虜東行意在侵薊恐震京師請親提兵居庸以備不虞是月乙亥虜攻古北口自間道至黃榆溝抉墻入我兵不能禦

遂長驅入內地京師戒嚴 詔諸鎮兵勤王 命文武諸大臣十有三人分守都城各門又 命都御史商大節督科道官募民間材官子分置城陴 上思鸞言檄召鸞亟引兵發居庸前禦虜徵各路兵入援尚書徐階言兵部欲發兵外護關廂恐京軍見敵輒走反搖民心鸞兵入衛宜令兼督城外諸軍大約以大同人馬爲京師先鋒以京師人馬助大同聲勢庶兩有所恃時鸞先已駐師居庸首得 命以大同兵三萬三千至 上卽軍中拜鸞爲平虜大將軍總諸鎮兵 賜玉帶上尊又 賜密啓封記曰朕取重惟

卿一人得密啓奏事于是虜犯天壽山東山口康

陵菓園等處

上命鸞嚴護

陵寢鸞馭軍無律諸

軍恣肆劫掠民間莫能禁以鸞方被寵雖獲大同軍

行掠者不敢治必以聞

上謂大同首入援軍行掠

出饑疲耳送鸞收撫不問虜自河東渡潞水西北行

罄擄村落勤王兵無敢攖其鋒者至東直門執御

廐內臣楊增以去俺荅不之殺即令增持番書入城

求貢

上召學士嵩禮部尚書徐階議階曰今虜駐

近郊而我戰守備一無所有宜權許以款第恐將來

要求無厭耳

上曰苟利社稷皮幣珠玉皆非所愛

階曰止於皮幣珠玉則可萬一有不能從者柰何

上竦然曰卿可謂遠慮然則當如何階因請以計款
之言其書皆漢文 朝廷疑而不信且無臨城脅貢

之禮可退出大邊外別遣使齎番文因大同守臣爲

奏事乃可從如此往返之間四方援兵皆至我戰守

有備矣 上然之集廷議未一會虜以得利去京師

解嚴虜先以輜重北行餘兵分掠京城外欲西奪白

羊口出仇鸞率諸將兵尾其後白羊守將扼險禦虜

虜不得出稍棄牛羊婦女關下擁衆東南還至昌平

猝與鸞軍遇鸞不意虜返倉卒未陣虜騎蹂入我兵

不戰而潰死傷千餘人鸞幾爲所獲以裨將戴綸徐
仁救免虜長驅至天壽山見總兵趙國忠列陣紅
門前不敢入出橫嶺口趨至懷來川出塞去是時虜
衆疲甚又頗戀輜重皆不能軍諸將以白羊之敗兵
氣不揚竟不敢逼但尾送至石匣城及張家古北寺
等口而返

詔咸寧侯仇鸞留京以徐珏伐爲大同總兵鸞議以冬
月大舉北伐從之

鸞上議大舉北伐先遣京營諸將分詣各邊訓練士
卒以待師期而親駐宣大間整飭兵甲俟冬月大舉

往犁虜庭以舒華夏之氣 上嘉之命戶部大括各處積貯及歷年逋負以備軍興鸞率諸鎮兵至宣大聲言擊虜不敢出塞稍至近境夜襲斬老弱數級還鸞乃自劾無功 上慰諭之

三十年三月 詔開馬市

冬虜酋俺荅叩宣府邊求貢 廷議皆言虜逆天犯順法所必誅爲中國計但當整飭六師爲戰守備徐察其效順果誠然後議之未晚也 上然之命所司不得輕信弛備是時仇鸞雖揚言北伐實內畏虜乃密遣廝養時義結俺荅義子脫脫使俺荅以貢馬互

市爲請俺荅利我貨幣投驛書于宣大總督蘇佑求
通市佑以聞鸞從中力主之言永樂成化間嘗設馬
市于遼東待海西女直及朵顏三衛今虜求開市留
使爲質縛叛示信宜暫行兵部尚書趙錦議與鸞同
上意未決問大學士嵩嵩以一年四次用馬價十
萬兩期密而費廣且犬羊無厭將來難以阻限惟一
年二次爲宜 上然之乃起兵部尚書史道總理互
市

初開馬市于鎮羗堡

俺荅與子脫脫等令虜人驅馬至城下計值取價共

易馬二千四百餘匹事竣俺荅貢良馬九乞再市鸞
請 降勅厚賚之先是有華人蕭芹王得道喬源丘
富者持白蓮教出入虜地爲奸俺荅以爲小酋丘富
教虜以火食屋居虜居之輒撼有聲不敢入乃築板
升以處芹等是時馬市甫畢芹等恐虜與中國通不
利于已乃賄俺荅左右犯左衛以開釁侍郎史道密
踪跡之以其事聞 上命購取妖賊無留虜鸞因遣
時義啖俺荅以利諷令執芹等三十人械塞下于是
加鸞太子太傅道兵部尚書時義進指揮僉事

詔總理兵部尚書史道還京

初道主開馬市於宜大自三月至五月二鎮市完虜
又以牛羊易換米豆爲請道上言近者俺答令人執
送蕭片而來脫脫諄切告言虜中富者以馬易段貧
者止有牛羊請易米麥臣以爲虜之富者十二三貧
者十八九不一通融貧者必爲饑寒所迫衡決約束
有妨大計大學士嚴嵩不可 上以道不思處置邊
備乃爲瀆奏遂令還京自是虜衆謂中國不足信復
時時剽掠境上然尚嗜利未肯公言大舉邊臣亦與
互易不絕以中其心大率畏而啗之無復前時制馭
羈縻之策矣逾年好復絕

三十二年北虜寇大同營李塞叅將尚表守備劉勳禦
之敗績再犯團山墩遊擊李桂棄其軍遁虜入大同
塞指揮王恭禦死之

先是虜叩市大同巡按御史李逢時謂 詔禁非時
開市叱去逮諸通事于獄至是俺荅遂縱賊入掠一
犯雙溝營李塞再犯團山諸將披靡警報沓至逢時
上言虜敢于擁衆入犯馬市難恃宜行各督撫合兵
征勦仍 勅京營大將仇鸞發兵進征趙錦亦言鸞
領各邊兵六萬八千又宣大成卒十一萬天下精兵
無以逾此大振兵威用張殺伐此其任也 上曰兵

馬旣多卽令大將分布逐勦時鸞偃蹇畏懦不敢發
兵而大同總兵徐仁復驕縱朘削爲士卒所怨巡撫
何思亦以通市故禁邊軍拒虜殺者抵死以故虜出
入關隘動稱貢市其狡黠者變服入城莫敢誰何至
是虜衆萬騎突入塞抵懷仁縣管家庄大掠居民總
兵徐仁副將王懷邦等各逗留擁兵不進惟中軍指
揮王恭率所部禦虜戰于管家庄力屈死總督蘇佑
上其事 上命兵部偵虜衆多寡亟以聞 詔逮繫
仁等削何思籍贈王恭指揮僉事

詔大將軍咸寧侯仇鸞帥師赴大同勦虜鸞襲虜寨

敗績

時虜犯大同益數鸞內不自安乃請出邊正罪然鸞實無意討賊第爲大言以自解大學士嚴嵩以寵信之深不可間至是亦欲因事以暴其失乃上言鸞逗留不戰上始疑鸞不足恃鸞旣至鎮偵報虜衆僅數千住牧威寧海側鸞喜虜少欲襲有其功乃帥戴綸等統衆萬餘夜馳二百里比曉及之虜覺悉衆突出鸞等倉皇退走殺傷官軍一百二十六人射死馬百餘匹鸞奔還途中斬零騎六級上疏言狀且張其伐兵部言傷多獲少何以言功上曰斬獲雖

少勤勞宜錄亦賞賚有差

總督侍郎蘇佑等出塞擊虜敗績

三佑與巡撫侯鉞總兵吳瑛協謀出塞擊虜虜酋俺荅
及把都兒會兵逆我師殺指揮劉欽等七十人士卒
死者甚衆瑛急斂衆自衛遁歸言官劾佑等部覆以
虜勢橫甚各官親冒矢石雖未獲全勝而深入力戰
足寒虜心宜少寬以作士氣 上從之仍令優卹欽
等七家

三十二年北虜大舉入寇

俺荅把都兒分道由弘賜堡邊境合衆入渾源東犯

靈丘廣昌諸處

九月虜由平虜衛犯山西

虜萬騎由大同平虜衛犯山西神池利民堡山西都御史趙時春帥馬步軍自出禦之至廣武謀報虜止二千可擊時春掾甲欲馳總兵李洙阻之不聽及遇虜于大虫嶺伏兵四起洙與其子松皆戰死時春僅以身免

三十三年虜入大同塞總兵岳懋死之

時虜騎數萬大同帥岳懋帥師出禦彼衆我寡左右夾擊力屈而死全軍覆沒巡按毛鵬以聞 上逮侯

鉞及前督臣史道削籍贈懋官

冬虜寇大同總督許論巡撫王忬擊走之

捕首虜百餘牛羊稱是

三十四年詔以馬邑生員張蕙爲所鎮撫

初蕙五月間爲虜所獲俺荅令其主馬籍因知其數

又嘗送置丘富營頗得其謀在虜中凡二月得間奔

歸言俺荅二部共可二萬六千人丘富日夜導虜爲

鈎梯攻城造舟渡河靜樂等縣妖人廬山佛等許爲

內應以接俺酋宜預備之總督許論上其事乃優錄

蕙爲歸義者勸

三十六年北虜寇入鴈門塞

虜入鴈門塞二十萬破應州四十餘堡巡撫閻煦乞
兵應援總督侍郎楊順恐失律當坐乃令總兵殺避
虜民婦上首功以自解

三十七年虜圍大同右衛

初俺荅子辛愛第三妾桃松寨與部目收令哥通辛
愛欲殺收令哥令哥惧投降于總督楊順順自詡爲
竒功以夷男婦致闕下辛愛遣騎來索不得乃攻
毀諸墩堡畧盡順惧復上言虜情叵測欲脅朝廷
歸之未決俺荅子黃台吉詐請以我叛人丘富易桃

松寨巡撫朱笈請姑許之以弭邊患乃遣桃松寨收
令哥等還辛愛召諸婦環視磔裂之知順無能負約
不執丘富而攻圍右衛益急 詔閑住總兵尚表護
運入右衛虜圍之數重經月不解巡按路楷亦言右
衛城中勢若倒懸危在旦夕 上聞而大駭卽發帑
銀十萬以濟緩急速楊順路楷許論而以兵部尚書
楊博出督宣大兵博至徵諸鎮卒聲言伐虜羽檄日
十數下鎮撫等又選集主客兵數萬嚴部而進虜聞
大兵至拔帳遁遂以是日入右衛城所運糧凡四千
餘石居民感泣呼聲震地人人自爲更生先是有倡

言宣大可棄者上問嵩嵩設爲難詞欲上自棄之
上不可急措餉發兵更易文武大吏而虜尋引去右
衛以存上初用尚表猶慮其老不能師命薊州
副將馬芳領所部赴之表在右衛相拒四閱月誓衆
勵志死守不屈至是楊博上其功上大嘉悅進尚
都督僉事御史欒尚約言右衛殘破宜大加賑卹
上納之

詔召還總督尚書楊博

博在宣大有首索素雄塞外屢肆侵擾博計擒之斬
其黨十有五人時出奇兵襲虜虜徙帳去上嘉之

至是薊有虜警 詔博還總督薊遼

三十九年總兵官劉漢擊虜于灰河破之

時虜聚喜峯口外窺犯薊遼漢乘其虛督兵自鎮河
口出塞搗虜帳于灰河斬首二十八級虜狼狽西遁
自邊鎮多事以來官兵積懦虜留巢逼塞無敢問者
至是漢有是創嗣後各鎮効之虜始惧稍稍徙遠其
幕云

秋七月總兵劉漢破虜于豐州

大同右衛邊外由王城舊城而北經二黑河歷三百
里其地曰豐州崇山環合水草豐美叛人丘富趙全

李自馨居之築城建墩構宮殿開良田數千頃接東
勝州號曰板升者華言城也富等以白蓮妖術嘗教
虜入寇攻城具時俺荅引衆西掠閱二年僅留千餘
騎守老弱又夏徙大青山口外避暑漢與都御史李
文進謀曰是可襲而取也部分叅將王孟夏麻祿等
率銳卒三千馳往漢與趙竒以重兵分三哨營于玉
林隘爲後勁孟夏等裹糧疾走擊斬八十三級生擒
七十六人焚其宮室餘衆奔匿時富隨虜北走趙全
匿墩上招虜騎至我兵引退還渡黑河與大兵會往
返凡五日總督葛縉以聞上大悅升賞有差

九月北虜入寇 詔總督侍郎葛縉帥兵赴朔州邀擊
之

虜由拒門堡大川墩處入寇進屯朔州復移營而南
攻山西盤道梁越關大掠葛縉上言虜賊初屯朔州
臣已遣宣大兵馬西援及賊深入親臨廣武調度第
彼衆我寡乞將入衛遊兵二枝并保定勁兵二枝赴
本鎮圖戰守 上計賊必出朔州 詔縉亟帥兵赴
朔邀擊之旣而虜從間道去乃止

四十四年叛人李自馨等叩邊請降不受

自馨叩邊率衆歸降總督以聞兵部惧有後患行督

撫悉心計處勿即許之

隆慶四年九月把漢那吉來降

見封貢考

五年北虜俺答受封入貢

封俺答爲順義王虜婦三娘子爲忠順夫人黃台吉等升賞有差詳見封貢考

萬曆十一年北虜興克都隆襲封入貢

萬曆壬午俺答故其子興克都隆黃台吉于癸未歲

襲封

十五年北虜捲力良襲封入貢

萬曆丙戌黃酋故維時封事 朝議異同督臣鄭洛

力持之丁亥歲黃台吉子捨力艮得襲如故事

四十一年北虜卜失兔襲封入貢

萬曆丁未捨酋故子朝兔早死嫡孫卜失兔癸丑歲
始襲封甲寅入貢詳見封貢考

一卷終

三

故

未

四十一

六

德

封貢考

虜之爲雲中患也無暇更僕遠引惟自

世廟五年以至三十有二年朔應蔚渾及廣

靈靈丘馬邑懷仁山陰等州縣并坪弘賜

威遠玉林左衛等城堡無歲不被蹂躪蓋

虜一戰場也至于十年則直抵鎮城十三

年則直抵陽和矣周尚文李瑾劉漢一再

交綏大有斬獲虜人褫魄然而副將林椿

三原縣志卷之二
遊擊戴昇參將尚表李桂之敗績總兵張
達岳林之戰死甚且以世勛授鉞之仇鸞
曳兵宵遁萬甲爲燐矣毋論暴骨如莽也
而軍需芻粟山委壑填寧復有紀極寧復
可籍覈哉天祚

熙明陰銷夷焰忽有那吉之釁彼之舐犢情
殷而我則豢虎籌密凡所以處置之者纖
悉靡不中窾故強黠如俺荅亦不覺弭耳

降心受戎索縛叛人受

封通貢爲我外藩不侵不叛者四十餘年傳

襲四代雖羈縻

錫賚不無少費

內帑金錢而絕塞熄烽軍民樂業視往事則
何啻霄淵乎嗟嗟方胡雛始入時倉猝當
前安危呼吸惧禍者股弁于側慮患者唇
沸于廷而王公崇古一肩負荷屹立不搖

罔惜百口以報

國而未真疆場此豈尋常俘馘底定之勛可
同日語哉卽圖閣銘常未足侈酬功典也
然非常之原每駭聽聞不賞之功易媒忌
謗聞公䟽

下廷臣會議時譁然以宋歲幣律之幸高相
國拱昌言曰今所爲紛紛者動以宋氏講
和爲辭不知宋弱虜強宋求於虜故爲講

和今虜納貢稱臣南嚮稽顙而吾直受之
是臣伏之也何謂和又動以

先帝禁馬市爲辭不知

先帝所禁者官與之市而仇鸞爲奸者也然
遼東不互市乎今正如遼例與民互市耳
何謂馬市之禁又動以虜必渝盟爲辭虜
往累歲內犯直至近郊殘毒爲甚豈皆

封貢致之哉縱使渝盟不過如往歲之入犯

而已矣而又能加乎況今且得寧息乘時
修戰守備吾備既修則伸縮在我任其叛
服而吾皆有以制之矣獨柰何舍此不計
而徒爲紛紛乎剗切詳明衆始冰釋

廷議遂定俺荅物故黃台吉捨刀克相繼襲
封迨卜酋當襲偶緣老婦之逝繼以卜素
之爭

封期屢易而難憑

詔使久稽而褻體時余偶從計吏詣

闕下奉巡冀之

命兼程而趨經紀其事不踰時而局幸結窾
會其苦業已窮討而諳嘗之大都爲國却
顧者見謂帑藏不盈驕子難奉恐數十年
補苴之局將決裂不可壅而收之而愚以
爲此不足慮也雲中虜情與他鎮較異豢
養已久諸夷習而安之縱貪婪無厭桀驁

難馴我若勿狃宴安時耀威武嚴諭沿邊
 將領凡例外私賄以結驩及無故苛求以
 釀釁者一以軍法從事至于串結通官其
 言干澤卽一綏半粟不輕准從則覬覦之
 望旣孤跋扈之氣自索駑馬棧豆惟恐其
 不飽也夫復何求而况密廉窮夷聚族毳
 幕日爭市閱不問控弦如圈豕之難變爲
 豺而家鷲之不能腴肉效鷹而鷲也苟操

縱不爽繁鉉羈綫常在掌握余敢多口保
任之爲他日左券云

不...
 任...
 雖...

封貢

隆慶四年九月虜酋把漢那吉來降把漢那吉者俺
荅第三子鐵背台吉子也幼孤鞠於俺荅妻一克哈
屯所長而儇俺荅愛之爲娶夕慎部女曰大成比妓
那吉又自聘兔扯金女未及婚會俺荅有外孫女已
聘襖兒都司矣俺荅聞其美自娶之號曰三娘子襖
兒都司怒且治兵相攻俺荅惧奪那吉所聘女與之
那吉恚恨携其妻及其乳母之夫阿力哥等扣敗胡
堡求入總督王公崇古與大同巡撫方公逢時計此
奇貨可居吾豐館餼飾輿馬予官爵尊顯之以示虜

令俺荅而急之則因以爲媾令繫板升諸逆以贖其
孫不聽則脅誅那吉以牽沮其氣卽不然因而撫納
如漢匈奴質子事使招其故部居近塞俺荅老且死
而黃台吉立我以一屠耆谷蠡秩秩那吉勢必爭兩
族相持我因按兵稱助推亡固存那吉懷德黃台吉
畏威安邊之大畧也若循故事置海濱彼一穷胡雛
何足重輕且恐失意颺去非計因具以其事聞

詔授那吉指揮使阿力哥正千戶御史葉公夢熊疏爭
之謫去時俺荅方掠西番得報疾馳歸約諸部稱兵
入塞索那吉趙全等教虜必困我那吉乃得還一克

哈屯聞全謀哭罵俺荅曰老悖不遄死信漢叛兒反
覆乃欲侵漢漢士馬強安能必得志是速殺吾孫也
俺荅乃擯全遣人來祈請王公故不令見那吉夷使
登高閣騶從導那吉過其下使者訝此那吉耶胡爲
乎漢威儀耶諦視之果那吉也大喜歸報俺荅王公
因使使與俱說俺荅曰趙全諸叛逆天下之惡一也
惡于中國而保于爾何利請受而甘心不則勿復望
那吉矣俺荅始意中國恚其歲犯邊必殺那吉及聞
無恙則大喜敬謝使者太師全吾孫我何敢藏叛虜
蓋稱我尊官爲大師也復使使來定約因請稱臣貢

圭頁
卷之二
二
方物開市王公爲聞諸

朝未報屬黃台吉以萬騎趨大同王公質責其使曰與我好而掠我何也使謝曰彼未及聞耳無他端因還語俺荅馳召黃台吉黃台吉出張家口宣鎮兵斷其歸路虜前部欲戰黃台吉曰戰則敗約我無辭于太師整兵而西出拒門堡當是時俺荅聽趙全等唆誘業擁兵駐邊索孫而伊長男黃台吉復至遠近惶惶訛言四起宣大巡按姚公繼可遂䟽論方公逢時謂其登城見賊勢而惧遣通事致款曲于虜營且授謀者嫁禍于宣鎮不稱任使當罷部議以虜酋執叛乞

降之時正撫臣臨機設策之日夷情既不可盡洩秘
計亦難以自明但當要其後効何如耳得請方公照
舊供職制府乃再遣通丁鮑崇德直入虜營見俺荅
備述

朝廷不殺伊孫賜冠服之恩而責問黃台吉入犯之罪
及告以趙全等叛逆犯法構亂伊父子祖孫之情開
示順逆曉譬禍福俺荅遂縛趙全李自馨劉四呂世
祖諸逆桎梏以獻周元聞變服毒死虜初入塞止盜
村落不敢入城堡全與丘富教之深入益習攻取鹵
襲事諸鎮疲于奔命矣全有衆萬人騎五萬牛羊稱

是又爲俺荅建九楹殿奉居之尊爲帝會大風飄棟
殺數人俺荅俱不敢居而全等各建堡治第擬于王
者陷石州全計曰自此塞鴈門扼居庸據雲中上谷
效石晉故事南北之勢成矣屢購之不能得至是乃
伏法全未至時已

詔那吉歸俺荅迎之河上祖孫嗚嗚相勞苦曰帝天也
覆露我使使入謝申請

貢市王公爲

奏虜款堅宜聽且乞

詔邊臣勿燒荒搗巢生虜釁下

廷議兵部尚書郭公乾言虜方求款卽要我以不燒荒
不搗巢他日者若要我以不乘塞不設備其將如何
宜更議毋遽許廷臣咸言市虜

先帝所禁柰何弛之王公肩任愈堅條爲八議以進廷
臣言利者十三害者十七相持不決大學士高公拱
張公居正力主王公議是又檢內閣所藏

成祖封忠順忠義等王故事其間

勅諭之詳詳

賚錫之隆厚纖悉皆備于是兵部乃如總督議覆得

旨封俺荅順義王

賜蟒衣綵段加昆都力哈黃台吉官都督同知餘指揮
千百戶有差且

賜勅諭因爾孫來歸命邊臣護視以禮遣還爾懷
朕恩稱臣奉貢俘敵叛逆悃誠用章遠稽前代近覽本
朝欵塞稱藩厥有舊典是用錫爾王封并及子姪部
落皆有常秩爾當堅守臣節約束爾眾毋爲邊患朕
亦勅邊吏同好棄惡爾毋食盟自干天罰俺荅率所
部受

詔甚恭使使

貢馬謝百官賀兵部下市令貢馬不過五百匹簡上駟

三十進

御夷使不過百五十設藁街于邊城毋令入都市虜以馬雜畜皮毛我以銀布綵繒諸貨官市畢聽民私市九月報市成歲以爲常蓋成大功之難也如此萬曆九年俺谷故子黃台吉襲王封烝其妾毋三娘子爲妻萬曆十三年黃台吉故子捨力克襲王封亦收三娘子爲妻 封忠順夫人爲其經事三王東諸夷奉約唯謹故也萬曆三十四年捨力克故長子梟免台吉亦先故孫卜石免應嗣而三娘子所生不他失禮收其異毋兄子那吉妻大成比妓生子素囊者最狡

黠多智善用兵睥睨王市賞而侮卜石免部落少又
幼孫行也嫚言祖母忠順曰爾老矣何顏復與卑幼
聚麀且王事始吾母大成把漢比妓先從把漢台吉
投降中國中國爲我父母乃授我祖王封祖故應那
吉襲王那吉故應我父不他失禮襲王我父故應襲
王者我也卜石免何爲者我祖母親孫不以我襲王
而遺所不親之卜石免我必不能甘矧爾老且病經
事三王又戀戀黃口小兒之卜石免何以對衆施面
目乎忠順亦大忸卜石免以應王故侶卒然入忠順
毳幕踞上座目攝素囊茂視其左右於是素囊怫然

與諸部謀卜石兔如再入忠順幕者凌毆之卜石兔
不復敢往忠順藐卜石兔慙不足事而毛明暗者
狡而佞陰與素囊比厚賂用事左右交口譽之忠順
將言于中國請以王授之扯酋所遺座轟鷹子手厥
喇手已入明暗所矣總督馬公鳴鑾大同巡撫霍公
鵬相與謀曰虜王篆在忠順所不出篆則卜石兔爲
空王不許婚則王篆必不出夫虜部有變恃忠順爲
主持今內制於素囊陰暱于明暗柰何卜石兔久不
得封使使請于督撫曰虜地之所以重王者爲能制
市賞之權也今白頭表文年年進

貢市賞不失何用王爲必止市賞不開則我王有日矣
總督甬傳令禁止大市而忠順力爭以爲不可故貢
市仍舊而卜酋忿怨自丁未至庚戌中外洶洶謂款
事將不可續九月初馬公卽世涂公宗濟來總督霍
公亦被言去汪公可受代之明年正月五路台吉糾
集酋部幾十餘萬約聚豐州灘欲與素囊爲難挾婚
而素囊忠順耻爲所挾亦簡精銳與五路諸酋爲敵
卜酋乘之因畢婚事卜酋與忠順計我祖孫授封蓋
三世夫例賞外更挾加賞故自五月至八月不言求
封九月始使夷使敢抬把都兒計虎等請改印請加

賞請增市以嘗我不意虜婦病故素首既亡祖母遂
桀鵞奚約將虜婦所與卜首金銀什物盡掠卜首不
敢爭盖卜首所役者虜婦之人所恃者虜婦兵馬他
無資籍以自雄而素首所睚左右撥置復來爭講制
府回諭云俺荅有約世世相傳封王以長部落歸心
爾若叛盟三枝十二部仗義聲討何詞以對况我
天朝頒封從爾倫序爾若不聽是逆

天朝也夷使回報于是九月間衆酋投結請封而卜首
因虜婦所遺牛馬萬餘牧放在野詭言冬寒回巢取
衣實驅牛馬徃西海也會部覆䟽得

封貢考 卷之二
旨卜石免准襲封順義王把漢比妓既效恭順准封忠
義夫人其餘升賞有差遣序班王弘憲齎

勅至陽和盖十一月十五日也當是時夷情幻遷衆喙
惶惑久淹

詔使

廟議責成章疏纍纍滿公車涂公獨任適當其難朝夕
求所以觴解紛結辨析危疑敝舌嘔心廢箸忘擲良
工之苦有難以語人者詳三鎮通志中于是直指吳
公允中親燭情形有備陳封事機宜一疏得

旨虜封遲速不足介意虜亦懷觀望居頃之余以四月

至冀時春深草茂豺狼之挾索不遂徂公之喜怒謾
操五路諸酋遂奉調而來五月大集請

封期訂以六月初九日受

命至期制撫于馬市樓上憑檻而觀素囊擁數萬騎先
屯聚日午卜石兔坐大纛下十二部落颺馳禽驚充
谷蔽野入我所設宴綵蓬中故事虜王卽于此蓬外
領

勅蓬離暗門尚二里

龍亭至暗門將出余謂中軍戴延春曰

天朝勅命不蒲伏城下而輕率迎至宴蓬非體也傳示

封頁
卷之二
上首頗難之終不敢抗遂率諸頭領跣伏

龍亭前以首頂

勅叩首謝畢還

勅於亭乘馬前導宴畢復叩首謝成禮而畢二鎮龐皓聚族而嘆謂封事之始難而終易謬謂余有成勞焉而余則豈敢貪天功哉上首既受封貴倨欲得素囊所轄板升半昉肯具表開市自謂賜印在握諸夷非得伊印表不能達

帝聞開大市也素囊及諸部落妒懟甚且執恠不肯如約爭詬者浹歲踰七閱月而議猶落落也制府晉中

樞行有日貢市未即至台省恐犬羊叵測結局無期
白簡批根峻亟不少假借在事者于此時也欲急之
則虜視爲竒貨而裕怒愈蹙欲聽之則我勢若搏沙
而報命無日人情事體冰炭艱孰疆場隱憂且未知
所終已余不獲已喟然廢起曰袖手咋舌幾幸旦夕
若

國事何與王總戎威張副戎萬邦密計偵知虜酋前所
遣吳筆寫氣尚在殺胡堡外即呼諭云軍門陞任差
通官賜爾別禮本出舊規台省以爲賄求也疏謂幾
年未貢積下數十萬金錢何不招軍買馬收降夷利

器械以待征戰而汲汲欲其速來貢市乎目今院道
鎮協共議將向來開市暗門市口且堦築俟貢來再
議誰敢差人與爾通問者即使十年不來無關乃公
事吳筆寫氣回巢直術于忠義素囊垂首喪氣而諸
部落及各窮夷與板升聞之尤深憾卜素二酋之專
爭家事累諸夷坐失利自絕

天朝也涕唇怨詈甚且有反戈逃散之語忠義恐中國
真欲斷市部落或生他變遂于十二月十三日親身
先至殺胡口外住牧以安衆心即遣擺言賴恰等來
見張帥隨差人請王子卜酋亦遣明暗人啞班大等

齎夷稟至余密言于督撫曰夷情已玩必須操縱着
着中窾乃可聾之今撫鎮道宜皆呵屏來使不容進
見惟令中軍坐營等官就中調停恩威始鬯又移文
大將軍臨邊各堡整刷兵馬器械修緝臺墩柳鈴晝
夜巡警揚言正月望日親往梁築暗門王子素囊十
二部落益惴恐遂俱赴報貢二月初二日余往市口
受之虜親信耳六倘不浪等來進表文馬匹弓箭撤
袋鞍韉惟謹故事虜酋移帳類俟草齊馬壯季夏乃
常期也今諸酋詠于拒絕之威恐失幣鏹之利草腓
地凍馬不堪乘部下多騎牛徒步遄至畢集惟恐後

馬三月而畢四年不完之市光七年結局之封我絲粟不增而犬羊皆弭耳無敢挾而譁者疇非疆場之福而余遭逢之厚幸哉謹詳次之

俺荅初受順義王封立下規矩條約

隆慶五年五月內俺荅在得勝市邊外瞭馬臺封王
時同東西各台吉頭目昆都力哈老把都永邵卜大
成切畫黃台吉等二大部落夷人并各衙門原差通
官在彼講定有俺荅等隨令頭目打兒漢首領等四
名對天叫誓說中國人馬八十萬北虜夷人四十
萬你們都聽着聽我傳說法度我虜地新生孩子長
成大漢馬駒長成大馬永不犯中國若有那家台
吉進邊作歹者將他兵馬革去不着他管事散夷作
歹者將老婆孩子牛羊馬匹儘數給賞別夷叫誓畢

焚紙拋

天立定後開條款

一投降人口若是款貢以前走來各不相論以後若
 萬有虜地走入人口是我真夷連人馬送還若是
 中國漢人走入家下有父母兄弟者每一人給
 恩養錢分段四疋梭布四十疋如家下無人者
 照舊將人口送還

一中國漢人若來投虜我們拏住送還重賞有功夷
 人我夷人偷捉漢人一名出邊者罰牛羊馬一

一夷人殺死人命者一人罰頭畜九九八十一外駱
駝一隻中國漢人打死夷人者照依中國法度
償

一中國漢人出邊偷盜夷人馬匹牛羊衣物者拏住
送還照依中國法度處治

一夷人打了無干漢人罰馬一匹

一夷人不從暗門進入若偷扒邊牆拏住每一人罰
牛羊馬一九

一夷人奪了漢人衣服等件罰頭畜五匹頭隻

一奪了鎌刀斧子一件罰羊一隻四五件者罰牛一

封貢考
卷之二
一
隻

一打了公差人罰牛羊馬匹二九

一奪了漢人帽子手帕大小等物一件罰羊一隻

一偷了中國馬騾驢牛羊者每匹隻罰頭畜二九

一筵宴處所夷人偷盜家活等件者罰羊一隻

一講定撥馬若進貢領欵賞俱准倒騎馬騾若報開

一中市并講緊急事情本王與黃台吉各准撥馬

四匹其餘台吉各准馬二匹若是討賞賣馬者

各騎自己馬匹

萬曆五年虜王西行迎佛重立規矩除前項事件相

天同外增法度五件

一原分守口夷人各照該堡分管地方專巡守做賊生事走去人口每日早起同該堡通丁各哨界路免致賊人生事

一走去人口如守口夷人踏見踪跡即速查與守口夷使若放進堡內有本王書到即送見

軍門 撫院講說若有阻當者守口官罰段二疋水懶一張校布六疋即將人口回與本主

一走去人口人主不同守口夷人知道私已進口偷趕牛馬捉人者查實罰馬一匹若原無人口依

偷盜論

一各城堡採打木植者或上一百出口者許守口夷人引領採打回邊完日賞段二疋梭布八疋

一各台吉若有偷搶進邊生事作歹領人馬多少每人罰馬一匹有台吉進口罰駱駝一隻

萬曆十五年七月初四日扯力克嗣封順義王三娘子封忠順夫人公同各部落酋長將前條約法度一申明同各衙門通官詹天福王志寶安天爵王國鎮龔喜炭天福常孝麻承訓卞福王漢登張安對天發誓照前永遠遵守

萬曆三十一年順義王扯力克到邊因款貢日久虜地連遭荒旱恐有窮夷生事廢壞舊規從新叫說法度照依先王誓詞我虜地新生孩子長成大漢馬駒長成大馬永遠不犯中國若有那家台吉進邊作反者將他兵馬革去不着管事散夷作反者將老婆孩子牛羊馬匹儘數給賞別夷恐後無憑令各酋長公同各衙門通官弋陶高景亨史惟臣張安陳敖八鄭功卞福侯鎮邦於本年十一月二十二日焚紙對天發誓永遠遵守除隆慶五年萬曆五年及十五年封王時立下規矩外今增加法度於後

一投降真夷照前休要收留漢夷照例給以恩養若
私收真夷者罰治

一三十一年十一月二十二日止自三十二年起以
後事故頭目額賞休要輕遽裁革免得纏擾

一講討市賞跟隨頭目不要帶領奸猾夷人恐怕偷
走難查

一夷人倒騎馬騾不惜故意打傷眼腿者罰羊一隻
萬曆四十一年六月初九日封上石兔爲順義王講
添事件

一原約漢人投虜拏住送還今夷人沿邊扯軍捉人

一原一名照約罰牛羊馬一九

一原約夷人守口專巡賊夷生事此後縱容賊夷扒

牆作反照約罰治

一各台吉受我撫賞使必嚴束部落但今各路往往
報有賊夷作反或狡夷妄索撫賞酋長既不管
束且自分外索賞少不遂意使夷捉軍此如仍
一夷玩違酋長單賞賊夷重處不恕

一夷人打漢人罰馬一匹打公差則罰一九雖係約
法未見遵行今後打漢人或公差俱依法罰處
倘有殺平人殺公差之夷皆令抵命並不准罰

其漢人殺夷人除犯邊作反拒敵及扒墻跌死
溺死與夫違禁盜買鐵器捕執或病死老死者
不論外有無故殺死者一體抵償混賴者不准
一夷使由殺胡市口入者即從殺胡出邊由得勝市
口入者即從得勝出邊如有枉道不准應付仍
從罰處

一虜王酋長乞買鍋貨即遣通官隨同照數平價易
買不許數外增多致壓馬騾如違夷人罰馬一

一原約夷人進口虜王者准馬四匹酋長准馬二匹

若是討賞賣馬各騎自己馬匹今照前約不許
多人入邊騷擾

一各夷討賞自有信地若不照信地亂向別口索討
喫食因而扒牆作歹者原約罰治

一互市夷馬或銀或貨俱有定價先年馬皆壯大近
來價係定數馬多瘦小其有入邊即斃者今後
互市俱要腩壯齒小堪以騎操者方行入市仍
前瘦弱者即行阻回不許濫准致干叅懲

一夷使入邊撥騎操馬被夷酒醉或需索不遂故意
沿途跑走致馬傷損其有已至城堡復又遨遊

街市或騎赴討賞衙門終日不能一息由是馬
多困斃今當諭夷一入城堡即當還馬入驛步
趨衙門討賞不得沿途跑走入城遊街如違罰
處

一先年通官奉差一出邊外即騎夷馬後因一二奸
通刁難守操乃將內地營馬徑騎虜巢致虜藉
爲定例貽累營馬今當申明以後通官出邊務
令照舊夷馬接應有不與馬者聽虜王及本管
酋長各行罰治

一款貢以來各台吉倘不浪并各比妓頭目一應市

賞月賞貢賞等項病故者應報開除却行隱匿
及有續生之夷又欲求討加賞因而混冒日多
致費錢糧今當申諭酋長務將部落查無的親
兒男者即報開除以補續生之數如有隱匿定
將生者不准

一夷人撫賞原立款約俱有定規今各夷有無故求
索口食平空索要口糧一時暫准遂爲成例更
有妄捏舊無之賞橫口纏討一不如願即欲作
反恐嚇邊官或賴走入降人多索恩養指勒人
馬亦有不遵市期陸續遣使零賣擾亂內地甚

非邊紀今後諭令守法如違照約罰處不饒

一先年互市夷人不許身帶兵刃今則佩刀且市完却來接取零貨絡繹入關騎坐營馬遍遊街市致率多餓損或交通歇家暗買禁器玩法為奸今後市貨總給不許零星接取亦不許帶刀入市以杜後害

每年市本歲額馬價銀十萬兩

額餉銀四萬兩兵部馬價銀三萬兩二項係舊議

戰馬料草銀二萬兩變賣夷馬價銀一萬兩二項新議內新舊議中陽和道領銀三萬五千兩置買市貨

聽軍門并一市口通融易馬支用分巡道領銀三萬
五千兩置買市貨俱聽得勝市口并撫院日易夷馬
通融支用

每年撫賞銀二萬二千兩

市法五款

一曰止許以布貨食物相售非此即係違禁而將官
敢有從暗門賣鞍轡者即以通虜論罪

二曰互市之日鎮協等官整棚兵馬令通官宣諭虜
中不許將倒死及不堪之騎克數凡斷舌筋者
割駿尾者刺咽喉者灌之泥沙者未歲不習芻

豇者俱勿令人暗門倘虜狂態如故即一例絕
之稍有不軌設法劊懲之

三曰促市貨早運市期速完使虜不久留以免糜費
四曰款約一定以後不許增賣一馬增給一賚必舊
有開除則新生者方准增給

五曰初款虜使入口有時有數今縱意出入又先年
命使到邊諸夷討賞獻馬牛價費數十金今次閱視至
邊因先與通官相約禁阻而牛馬不敢進夷婦
亦無至者蓋其導引屬通官明甚凡開市一切
事務令彼痛切講折以後當視額數如減以定

通官賞罰

每年進正貢馬五百匹

老把都永邵卜二大枝馬二百五十匹從宜鎮進

順義王并各台吉馬二百五十匹從大同進

本王又進上番表一通鍍金鞍轡一副鍍金撒袋

一副弓一張箭十五枝

每年入市額馬一萬四千五百匹

其款有八曰銀馬自六兩至十兩共四等曰鱗獺

馬每匹鱗段一疋水獺皮自六張至二十張共五等

曰金段馬每匹金段一疋水獺皮自十張至十五

張共二等 曰虎皮馬每匹四張 曰豹皮馬每匹
豹皮自三張至六張共三等 曰梭布馬每匹梭布
四十疋有青布者有無青布者共二等 曰官貨馬
每匹真遠錢羽分段中路細各一疋青梭布一疋藍
白梭布十疋自順義王而下多寡有差

每年減哨銀歲入二次共八千七百五十七兩零

陽和道分轄城堡減銀三千四十三兩零大同道分
轄城堡減銀三千七百四十一兩零分守道分轄城
堡減銀一千五百九十三兩零分巡道分轄城堡減
銀三百七十九兩零原議隆慶五年七月爲優犒巡

邊夷人以昭恩信事該總督軍門王

咨開夷虜

常年侵擾墩軍不敢打柴取水每以行糧買物賄虜
苟全生路自許虜貢本部院議令酋王定差巡邊夷
首不許賊夷近邊以免侵盜彼既遵約布防可絕狡
橫求索墩哨從此獲安行糧從此可免媚虜通行各
道將各墩軍行糧除月食三斗外其月月食一石及
五七斗者俱各准其半所減之數專備撫賞如遇巡
邊夷人到彼邊界叅將先宴一次每酋長賞上兼段
一疋價銀一兩四錢顏色板布四疋餘散夷各布二
疋每五日給大羊一隻價銀三錢餅一百價銀一錢

五分酒一罈價銀一錢每月給各酋長米五斗各該
守操不必重賞以爲定規各道遵依議以新平陽和
二路大邊食糧一石墩軍每名減糧五斗二邊食糧
五斗墩軍每名減糧二斗北西中威三路并平虜朔
州乃河三城堡大邊每墩減軍二名二邊三邊并腹
裏每墩減軍一名北東路并并坪一城腹裏墩亦各
每墩減軍一名高山沿路并破滅二堡每墩減軍二
名總計一年共減銀三千六百一十二兩九錢六分
萬曆二年四月又爲查議改貯減哨銀兩以明支銷
以杜侵冒事該總督軍門方 因各堡委官將應

領哨銀自扣自交恐有侵隱案行各道備查一鎮邊
腹哨軍總計若干內每月減糧一石軍若干減糧五
斗三斗二斗軍若干總計一年折銀若干該道將每
月應扣銀數送戶部分司按月扣發大同府收庫各
道遵依又將分屬城堡先次未減邊腹墩哨軍士亦
照前議減及將食糧三斗墩軍減糧一斗總計一年
共減銀五千一百四十四兩五錢一分四釐二次共
減墩軍五千九百五十五名共該哨銀八千七百五
十七兩四錢七分四釐邊墩每墩原軍七名減去二
名腹裏墩每墩原軍三名減去一名共減軍一千六

百三名

各共減軍一千六百

十十兩四錢五分四釐

減軍五千八百五十五各共結

共減錢五千一百四十四兩五錢

無兩錢五分又減食鹽三千

錢數科又減食糧米六千

且熟味鹽錢五分

卡三千二百軍各千餘

期節軍懸信若干內每月

餘節疑自味自交恐有

一虜酋市場

本鎮市場三處

得勝堡市口互市酋長

東哨

順義王忠順夫人并部落

不他失禮台吉

二十五年十月病故

沙赤星台吉

二十三年八月病故

倚兒將遜台吉

十六年四月病故以上三酋俱係三娘子男

素囊台吉

係不他失禮男

多羅土蠻下招力免台吉

夕言黃台吉

麥力良台吉

委元兒慎下卜吉素倘不浪 賓免台吉

長四倘不浪

阿拜台吉十八年故

威靜打兒漢倘不浪

西哨

大成台吉即把漢那吉十一年四月病故

大成比妓係把漢妻即近封忠義夫人

冷克木台吉大成比妓男故

猛克台吉大成比妓孫并部落

恰台吉十九年病故

本酋妻大娘子并部落

滿兀捨漢倘不浪

大成亞害倘不浪

以上兩哨夷人每年仍山西水泉營互市

新平堡市口互市酋長

黃台吉 十三年十一月病故

本酋妻妾男并部落

石寶成比妓

大威武慎且沁比妓

五蘭比妓

滿官正比妓

察漢兒比妓

以上五比妓俱已故黃台吉妻妾

哈木台吉

五路台吉

朝免台吉

台石台吉

段柰台吉

松木兒台吉

毛明暗台吉

以上七酋已故黃台吉男

教上言台吉等 係五路男

大成倘不浪

青把都台吉

歸應打兒漢倘不浪

守口堡市口互市酋長

兀慎台吉

擺腰台吉 故

把林補喇兔台吉

松木兒台吉等 係擺腰男

班鳩兒倘不浪

蘇平

山西水泉營

一夷語解說

台吉

是王子家子孫

比妓

是各台吉之妻與宗室妃同

倘不浪

是王子家女婿即儀賓

啞不害

是王子并各台吉之女與宗室女同

首領

是各台吉門下主本部落大小事情斷事好人

恰

與首領同

台實

是台吉下得用家人

榜實

是寫番字書手

筆寫氣

是寫漢字書手

蛇進是倘不浪兒男

明安兔是管一千人頭目

召兔是管一百人頭目

打兒漢凡部夷因本管台吉陣前失馬扶救得生或將台吉陣中救出者加陞此

名如因救台吉自身陣亡所遺親子或孫酬陞此名亦有各色匠役手藝

精能造作奇異器具陞為此名

宰牙氣是主外國大事及本部部落夷甲之事奸人

耳六是各台吉乳母之夫

哈甲兒氣是熟知地名道路之人與鄉導夜不收同

大 同 豐 州 灘 順 義 王 系 派 部 落

俺谷哈 豐都隆哈 擄力克哈 晁兔台吉 右翼黃言卜羅魯言

隆慶五年受 即黃台吉萬 萬曆十五年襲 授龍虎將軍 初授龍虎將

封順義黃言 曆九年卒在 順義王三年 山西偏關外胡 一帶住牧離 邊約七百餘里 海擄力克故

大同邊外大 卒先在宣府 地委兀兒赴一 故 子三 五路台吉迎歸

青山昭君墓 邊外舊興和 帶住牧襲封後 卜右兔台吉 襲封見在陰套

豐州灘住牧 所小白海馬肺 仍住俺谷舊穴 把都慢黃言 察汗敖刺住

西至河套東 山一帶住牧離 水帛得勝二 他兒泥台吉 牧

至宣府洗馬 邊三百里襲封 處互市 子一 卜羅魯言

林一帶離邊 後仍住俺谷舊 穴 子十四 晁兔台吉

三百餘里 子九 擄力克哈 五萬賀言

豐兒都隆哈言 五路黃台吉 毛明暗台吉

不彥台吉 青把都兒補 土麥台吉

鉄背台吉 兒哈兔台吉 耳童速台吉

丙兔台吉 哈木把都兒喜 我兒谷道台吉

把林台吉 松木兒台吉 革猛克台吉

俱授指揮僉 事隨卜右兔 牧

哥力各台吉

不他失禮黃

台吉

沙赤星台吉

倚兒將遜台吉

美子一

恰台吉

段赤台吉

打賴壁生台吉

台石台吉

安免台吉

朝免台吉

土刺免台吉

土力把免台吉

擺言免台吉

明暗台吉

五萬把

兒漢台吉

子二

五班南台吉

次子尚幼

毛明暗喜

滿官毘奴所出

住新開口小酋

未封明暗代

理其事諸部

多服

子二

察汗我不良

台吉

打兒泥台吉

垂南台吉

隨右免佳牧

察汗我不

良台吉

打兒泥台

吉

俱隨毛明暗
佳牧

去麥台吉 去麥大兒

台吉

隨上右兔佳牧

子三

去麥大兒台吉

次子尚幼

耳董速喜

我覺谷道喜

董猛覺喜

子尚幼

授百戶隨上右

兔佳牧

以上俱隨新

平口互市

五路黃台吉 教言台吉

即那木兒台吉 五路故代領其

故先授指揮僉 衆頗知恭順在

事後陞龍虎 伊父原巢佳牧

將軍在大同天 授副千戶

城邊正北五克 聶庫台吉

兒菊兒克一帶 授百戶 見在

住牧小酋婚封 虎喇哈氣

本酋頗効勞 台吉

方新平市口 授副千戶 見在

互市 子四

教言台吉 忽同台吉

聶庫台吉 授百戶 見在

虎喇哈氣 以上三酋與

忽同台吉 教言台吉 一同

住牧

白吉
聶庫台吉
虎喇哈氣
忽同台吉

青把都兒補
亥成朝庫

兒哈兔台吉
兒台吉

授指揮僉事

住牧互市與

五路台吉相

子七

亥成朝庫

兒台吉

宰生台吉

王都兒台吉

山羔兒台吉

大兒計台吉

小兒計台吉

公布台吉

亥成朝庫

兒台吉

宰生台吉

王都兒台吉

山羔兒台吉

大兒計台吉

小兒計台吉

公布台吉

以上諸酋俱在

新平塞外住牧

隨五路部落

以奉款約

哈木把都

兒台吉

授指揮僉事

在黃河塞

住牧

架兒台吉的力蓋兒

授指揮僉事

台吉

見在

在宣府下西路

正北邊外擦哈

孫兒住牧離邊

約二百餘里新

平互市極窮為

盜即關市之屬

亦多苦之名其

部曰賊達子

授副千戶 見在

跌力波兒

台吉

授副千戶 見在

葛勒兒

台吉

授百戶 見在

子四

虎督度

的方蓋兒台音

即小活佛萬曆

跌方波兒台音

三年題陞為

尊勤兒台音

只唱年可五六歲

虎督度

蓋西方僧之前

身也

段泰台音

即波兒哈都音

授指揮僉事

在宣府膳房堡

迤址馬肺山一

帶住牧離邊二

百餘里新平左

市

故絕

朝父罕去卦

打賴牢生 圭兒窳大

台吉 台吉

即我摺進喜
隨父牢生往
牧

佳牧系帶與段
素同本酋忽

慧下酋封貢
極為効順

子一

圭兒窳大台吉

台石台吉

即吳哈不害

授指揮僉事

安兔台吉

以下各台吉

俱在官鎮龍

門所邊外一
帶地方住牧故

朝免台吉

勅免台吉

考把免台吉

擺免台吉

故絕

明暗台吉

授副千戶

不彥台吉

即擺腰台吉

在大同陽和邊外

西北一克菊力單

住牧離邊三日

餘里陽和守口

保五市

子一

擺腰把都兒

台吉

擺腰把都兒

台吉

授指揮同賀

子六

松木兒台吉

明暗台吉

同門台吉

兀上台吉

刺麻台吉

五十拜台吉

榮兒台吉

授百戶擺腰該代

領其衆

明暗台吉

授副千戶

同門台吉

即去門台吉

授副千戶

兀上台吉

即不睡不害

授百戶

刺麻台吉

為僧

五十拜台吉

以上各酋俱同不

彥台吉倭

俱見在

鐵背台吉

把漢那吉

冷克木台吉

猛克台吉

故

子一

把漢那吉

即大成台吉

先授指揮使後

陸昭勇將軍幼

喪父育于祖母克

哈屯因與俺答有

隙僞妻把汗比奴投

降中國貢市之端

由此首起在出西徧

關邊外西北哈喇兒

住牧離邊三百餘

里大同得勝出西永

泉二處互市萬

曆四年墜馬而死

子二

冷克木台吉

不速布台吉

早故

授昭勇將軍

子一

猛克台吉

不速布台吉

故絕

二酋俱隨把汗

比奴往牧在哈

朗兀即大板升

迤西是也

授指揮僉事

其父早故隨育

于祖母把汗比

奴即忠義義人

之幕忠義舉

素囊住于歸

化城地方分為

東西哨猛克

隨住于西哨之

地

丙兔台吉 三温台吉 揣县台吉

授指揮同知

即宰生又名

随父三温台

营名威武慎在

真相襲伊父

吉住牧

陝西河州西海

指揮同知

住牧甘肅扁渡

子一

且互市故

揣旦台吉

子三

三温台吉

土麥台吉

土麥台吉

傻代台吉

傻代台吉

以上三首俱係

威武兒慎部出

後住牧山西水

泉營互市

把林台吉

納賴台吉

授指揮同知故

即納兒麥台吉

在大同陽和正

授百戶

北山後及顏那

補兒哈魯

失機住牧離邊

即補兒哈魯

五百里陽和守戶

授副千戶

互市

于七

姐姐台吉

即且且台吉

納賴台吉

授副千戶

補兒哈魯台吉

土麥台吉

姐姐台吉

授百戶

土麥台吉

着乃免台吉

着乃免台吉

即着乃免把獨

廷定台吉

兒台吉

揆克台吉

授指揮同知

廷定台吉

揆克台吉

以七酋俱墮因家海

在後惟土麥台吉早
大同守戶隨言開市

哥各台吉

在大同得勝堡

邊外梁蘭我肯

山後住牧離邊

三百里得勝堡

互市故

子一

打賴阿拜台吉

打賴阿拜台吉

即那那台吉

授指揮僉事

故

子四

班慢台吉

也林金台吉

打賴台吉

崗兒架台吉

班慢台吉

即贊慢台吉

授指揮僉事

見在

子一

班酌思克台吉

也林金台吉

打賴台吉

崗兒架台吉

俱見在

以上諸酋部夷

不滿千數俱隨

去燕業東哨住

牧殺胡堡塞外

班酌思克台吉

見在

不他失禮黃台吉

啞不害台吉

先授檀同知

後陞驃騎將軍

又陞龍虎將軍

又陞都督金華

在大同殺胡邊

外豐州灘山後

帶住牧山西水泉

大同得勝二處

市三娘子所生兵

馬地主極為富強

子二

誼不害白吉早故

素囊黃白吉

繼納把汗那

吉大成比姦

封忠義夫人

所生

早故

素囊黃白吉習今白吉

吉

把漢比妓所出

先是把漢那吉

故遺把漢比妓

為不他失禮所

牧生素囊藉

其祖母忠順夫人

之勢併有板升

之眾極稱富強

與卜首構其

母把漢比妓感按

順時不殺之恩

頗効恭順故卜

首受封時題封

把漢比妓為忠義

尚幼隨素囊住牧

夫人素囊為都督同知以示優厚

子一

習今合吉

沙赤星吉

三娘子所出

先授副千戶

後陞明威將軍

故絕

倚兒將遜吉

三娘子所生

授百戶

故絕

恰合吉

授指揮僉事故

素囊黃合

質合合吉

早效

[Faint bleed-through text from the reverse side of the page, including characters like '素囊', '質合', '合吉', '早效', '效', '出', '天長', '不遠', '尚', '早', '效']

係俺答義子

在山西偏關邊

外二百餘里

受城住牧大同

得勝山西泉

二處互市

其所生子孫

既非虜王正

族又不稱台

吉之名是以

不紀

兀慎阿害

兔台吉

俺答親弟兀

慎打兒汗刺布

台吉之子在大外

兀慎及成打

兒汗台吉

校指揮同知

居大同守堡塞

朝台吉

即朝亞不害

授百戶

子三

虎刺實氣台吉

虎刺實氣

台吉

兀香台吉

摸節台吉

同鎮邊堡正莊

克兒一帶佳牧

離邊約二百七

八十里陽和守

口互市

子一

兀慎歹成打

兒汗台吉

子九

朝台吉

刀兒計台吉

不速布台吉

八格吉台吉

長害台吉

不兒克台吉

我兒克台吉

速不害台吉

唐兀台吉

兀香台吉

模即大台吉

刀兒計台吉

授百戶

不速布台吉

即不速豹魯

授百戶

授百戶

格吉台吉

授副千戶

長害台吉

即商害台吉

授百戶

授百戶

不兒克台吉

子一

三莫兒台吉

三莫兒台吉

吉

我兒克吉

即棟兒克吉

授百戶

速布害吉

即蘇少管吉

授百戶

慶台吉

以主各酋俱同

不慎多成佳牧

分佳守口天城

山外卜酋初封

五路已故東西

款約不慎責領

諸子往來講

處頗效恭順

封授北虜官職

隆慶五年封

俺荅為順義王

萬曆九年十二月故

一員

都督同知把都兒等二員

俱故

指揮使把漢那吉一員

故

指揮同知賓兔台吉等十員

指揮僉事那木兒台吉等一十九員

正千戶阿力哥等一十九員

副千戶阿拜台吉等一十二員

百戶恰台吉等二員

隆慶六年

加陞都督同知朱邵十大成台吉一員

十四年故

加陞指揮同知切盡黃台吉等二員

俱故

新陞副千戶索郎倘不浪一員

小員

新陞百戶大都榜實等八員

萬曆元年

改授龍虎將軍黃口吉等二員

俱故

改授金吾將軍青把都台吉一員

劉襲授都督同知白洪大一員

加陞指揮同知擺腰把都兒台吉等二員

新陞正千戶青山倘不浪等一十五員

加陞千戶恰台吉等二員

襲授副千戶着免一員

新陞百戶趙景庫等一十三員

改授百戶恰打兒罕等五員

萬曆二年

新陞正千戶宰牙赤等七員

新陞副千戶包兒且倘不浪一員

新陞百戶山進榜實等三十二員

萬曆三年

襲授指揮同知客只蓋一員

新陞正千戶及阿兒台吉等四員

新陞百戶鐸柰台吉等四十五員

萬曆四年

加陞昭勇將軍把漢那吉一員

加陞明威將軍合羅氣把都兒台吉一員

襲授指揮同知馬五素台吉一員

新陞副千戶沙赤星一員

新陞百戶撒袋榜實等五十七員

萬曆五年未議陞官

萬曆六年

襲授指揮同知着力兔把都獨兒台吉一員

萬曆六年 新陞副千戶且且台吉等一十九員

萬曆六年 新陞百戶討討兒恰等七員

萬曆七年

襲授正千戶俺墜兔阿不害一員

新陞百戶峇度台吉等二十二員

萬曆八年

加陞驃騎將軍不他失禮一員

新陞百戶當漢我不良台吉等一十九員

萬曆九年

襲授指揮同知那木太阿不害一員

襲授指揮僉事捨刺乞探一員

襲授百戶明安兔一員

襲替正千戶土賣一員

新陞百戶倚兒將遜台吉等二十二員

萬曆十年未議陞官

萬曆十一年

嗣封順義王黃台吉

俺答子十三年十二月故

替授龍虎將軍扯力克一員

本年進貢奏陞

加陞明威將軍沙赤星一員

襲授昭勇將軍朝木台吉一員

襲授百戶狗力哥恰等三員

新陞百戶班兒慢倘不浪等二十員

萬曆十二年

襲授指揮僉事啞班台吉等二員

襲授百戶速不害倘不浪等六員

萬曆十三年

襲授昭勇將軍冷克木台吉一員

襲授正千戶掌計恰一員

襲陞百戶擺大恰等二十五員

萬曆十四年

襲授指揮同知土木阿不害二員

襲替指揮僉事本拜台吉等二員

襲授正千戶必兩世倘不浪一員

襲授百戶啞兒麥捨金等二員

陞授西番覺義職銜番僧谷賴一名

陞授西番都綱職銜番僧閃坐巴等三名

萬曆十五年

嗣封順義王扯力克黃台吉子三十五年四月病故

忠順夫人三娘子係主妻四十年六月病故

替授龍虎將軍晁兔台吉一員故

陞授龍虎將軍不他失禮一員一員

本年進貢奏陞

襲授指揮同知阿害拓不能一員一員

襲授指揮僉事猛克力庫拓不能等二員

襲授副千戶威宰生恰一員

新陞百戶也辛大兒倘不浪等三十一員

陞乃克兒只唱番僧答賴一名

陞授西番都綱職銜番僧把漢忽同免等三名

萬曆十六年

襲授指揮僉事滿都什台吉等二員

襲替正千戶把兔一員

襲陞百戶阿韓打里拓不能等三十一員

萬曆十七年

襲授龍虎將軍設喇克炭台吉一員

襲授指揮同知宰生台吉一員

襲授正千戶山三恰一員

襲陞百戶公吉孫榜實等二十八員

萬曆十八年

陞指揮僉事戎角敬台吉等二員

萬曆十九年

襲授指揮僉事班兒慢台吉等二員

襲授正千戶敖谷大倘不浪等二員

襲授百戶打賴恰等三員

陞授西番都綱職銜番僧綽兒江素刺麻等二名

新陞百戶恰打兒漢等二十八員

萬曆二十年虜中擒獻叛出屬夷史酋加陞

陞授都督僉事不他失禮一員

二十五年故

陸授龍虎將軍那木兒台吉一員

陸授朵兒只唱名色番僧活佛一名

本年進貢奏陸

襲授百戶打兒大倘不浪一員

新陞百戶打勿倘不浪等二十七員

萬曆二十一年

新陞百戶討討戶打兒漢等二十八員

萬曆二十二年

新陞百戶申害倘不浪等二十七員

萬曆二十三年

襲授百戶刀兒計把石一員

新陞百戶五班難地台吉等二十四員

萬曆二十四年

新陞百戶不答哈友牙氣等二十六員

萬曆二十五年

襲授龍虎將軍素囊台吉一員

新陞百戶五泥肯台吉等二十七員

萬曆二十六年

新陞百戶他兒泥台吉等二十九員

萬曆二十七年

新陞百戶把賣倘不浪等二十八員

萬曆二十八年

新陞百戶素難台吉等三十一員

萬曆二十九年

新陞百戶囊桑完布等二十七員

萬曆三十年

新陞百戶班罵口克等二十八員

萬曆三十一年

新陞百戶也習他蛇進等二十七員

萬曆三十二年

新陞百戶何着氣打兒漢恰等二十八員

萬曆三十三年

新陞百戶閃察囊素等二十八員

萬曆三十四年

新陞百戶他你阿不害等三十員

萬曆三十五六七三年因虜王扯力克故卜石兔未

封暫停

萬曆三十八年

新陞百戶麻刺恰榜失等三十九員

萬曆三十九年

新陞百戶失刺我白干恰等二十九員

萬曆四十年

新陞百戶啞不戶恰等二十員

萬曆四十一年

嗣封順義王卜石兔黃台吉

扯力克長孫

加陞都督同知五路台吉等二員

四十年故

加陞龍虎將軍兀慎台吉一員

新陞指揮僉事猛克台吉等四員

新封忠義夫人把漢比妓

把汗那吉妻